



中國國民黨重要  
宣言  
訓令  
集

十三年一月起  
十四年十二月止

中國國民黨陸軍軍官學校政治編輯部

四十四年十二月

## 總 理 遺 囑

余致力國民革命凡四十年其目的在求中國  
自由平等積四十年之經驗深知欲達到此目的  
必須喚起民衆及聯合世界上以平等待我之民  
族共同奮鬥  
現在革命尙未成功凡我同志務須依照余所著  
建國方略建國大綱三民主義及第一次全國代  
表大會宣言繼續努力以求貫徹最近主張開國  
民會議及廢除不平等條約尤須於最短期間促  
其實現是所至囑

# 例言



本書所集各種宣言，訓令，通告，自十三年一月起至十四年十二月止。

本書所集各種宣言，訓令，通告，以中國國民黨中央黨部及國民政府為限。

各宣言，訓令，通告等先後次序，以發表之時日遲早而定。

本書材料採自各種書報，如有遺漏，容查得補入。

民國十四年十二月二十五日



上海圖書館藏書



A541 212 0019 4681B

# 目次

頁數

- 中國國民黨第一次全國代表大會宣言（十三年一月） 一至十二
- 通告第二四號各黨員嚴守紀律努力工作（十三年三月十六日） 十三至十五
- 爲商團事對外宣言（十二年九月一日） 十六至十七
- 爲駐粵英領的哀的美敦書向麥克唐納京政府抗議電（十三年九月一日） 十八
- 北伐宣言（十三年九月十八日） 十九至廿一
- 北上宣言（十三年十一月十三日） 廿二至廿六
- 大元帥對善後會議之通電（十四年一月十七日） 廿七至廿九
- 本黨不參加善後會議之通電（十四年二月二日） 卅至卅一
- 反對善後會議制定國民會議組織法之通電（十四年二月十日） 卅二
- 本黨對金法郎案之宣言（十四年二月十二日） 卅三至卅四
- 通告第一三五號聲明北京民黨俱樂部與本黨無涉（十四年四月十五日） 卅五至卅六
- 中國國民黨接受總理遺囑宣言（十四年五月二十日） 卅七至四一
- 對北京臨時執政府進行修改不平等條約之宣言（十四年六月廿八日） 四二至四四

中華民國國民政府宣言（十四年七月一日）	四五至四七
國民政府軍事委員會告諸將士（十四年七月六日）	四八至五十
中國國民黨關於國民會議豫備會議之宣言（十四年七月九日）	五一至五二
國民政府告各國人民書（十四年七月）	五三至五七
中國國民黨對於時局之宣言（十四年七月）	五八至六十
國民黨整飭軍隊議決案附政府接受決議案宣言（十四年七月）	六一至六四
中國國民黨主張國民自動的開國民會議預備會議之宣言（十四年七月）	六五至六六
中央執行委員會對段祺瑞之忠告電（十四年七月十三日）	六七至六八
國民政府外交部長胡漢民告華僑書（十四年七月）	六九至七一
中國國民黨關於接總受理遺囑之訓令（十四年三月）	七二至七四
中國國民黨對於黨的紀律之通告（十四年七月）	七五至七六
中國國民黨對於黨軍校及軍隊之訓令（十四年七月）	七七至七八
中國國民黨關於共產黨員加入本黨之訓令（十四年七月）	七九至八三
中國國民黨對時局宣言（對北方反奉戰爭）（十四年十月廿四日）	八四至八六

- 國民政府致吳(佩孚)蕭(耀南)孫(傳芳)等電(十四年十一月五日) 八七至八八
- 國民政府致奉軍將領電(十四年十一月五日) 八九至九十
- 中國國民黨對關稅會議宣言(十四年十一月十三日) 九一至九二
- 中國國民黨對時局宣言(十四年十一月二十七日) 九三至九四
- 中國國民黨對全國海外全體黨員解釋革命策略之通告(十四年十二月四日) 九五至九七
- 對北京革命運動之宣言(十四年十二月八日) 九八
- 國民黨召集第二次全國代表大會宣言(十四年十二月十二日) 九九至一〇三
- 中國國民黨第二次全國代表大會宣言(十五年一月十三日) 一〇四至一二一

# 中國國民黨第一次全國代表大會宣言

## 一 中國之現狀

中國之革命，發軔於甲午以後，盛於庚子，而成於辛亥，卒顛覆君政。夫革命非能突然發生也；自滿洲入據中國以來。民族間不平之氣，抑鬱已久。海禁既開，列強之帝國主義。如怒潮驟至，武力的掠奪與經濟的壓迫，使中國喪失獨立，陷於半殖民地之地位。滿洲政府，既無力以禦外侮，而箝刺家奴之政策，且行之益厲，適足以側媚列強。吾黨之士，追隨本黨總理孫先生之後，知非顛覆滿洲，無由改造中國。乃奮然而起，爲國民前驅，激進不已，以至於辛亥，然後顛覆滿洲之舉，始告厥成。故知革命之目的，非僅僅在於顛覆滿洲而已。乃在於滿洲顛覆以後，得從事於改造中國。依當時之趨向，民族方面；由一民族之專橫宰制，過渡於諸民族之平等結合。政治方面；由專制制度過渡於民權制度。經濟方面；由手工業的生產過渡於資本制度的生產。循是以進，必能使半殖民地的中國，變而爲獨立的中國，以屹然於世界。

然而當時之實際，乃適不如所期，革命雖號成功，而革命政府所能實際表現者，僅僅爲民族解放主義。曾幾何時，已爲情勢所迫，不得已而與反革命的專制階級謀妥協。此種妥協，實間接與帝國主義相調和，遂爲革命第一次失敗之根源！夫當時代表反革命的專制階級者，實爲袁世凱。其所挾持之勢力，初非甚強，而革命黨人乃不能勝之者。則爲當時

欲竭力避免國內戰爭之延長；且尙未能獲一有組織有紀律能了解本身之職任與目的之政黨。故也。使當時而有此政黨，則不能抵制袁世凱之陰謀，以取得勝利，而必不致爲其所乘。夫袁世凱者，北洋軍閥之首領，時與列強相勾結，一切反革命的專制階級，如武人官僚輩，皆依附之以求生存。而革命黨人乃以政權讓渡於彼，其致失敗，又何待言？

袁世凱既死，革命之事業，仍屢遭失敗，其結果使國內軍閥暴戾恣睢，自爲刀俎，而以人民爲魚肉。一切政治上民權主義之建設，皆無可言。不特此也；軍閥本身，與人民利害相反，不足以自存。故凡爲閥軍者，莫不與列強帝國主義發生關係，所謂民國政府，已爲軍閥所控制，軍閥即利用之，結歡於列強，以求自固。而列強亦即利用之，資以大借款，充其軍費，使中國內亂，糾纏不已，以攫取利權，各占勢力範圍。由此點觀測，可知中國內亂，實有造於列強。列強在中國利益相衝突，乃假手于軍閥，殺吾民以求逞。不特此也；內亂又足以阻滯中國實業之發展，使國內市場，充斥外貨。坐是之故，中國之實業，即在中國境內，猶不能與外國資本競爭。其禍之酷，不止吾國人政治上之生命爲之剝奪，即經濟上生命亦爲之剝奪無餘矣。環顧國內，自革命失敗以來，中等階級，瀕經激變，尤爲困苦；小企業家漸趨破產；小手工業者漸致失業；淪爲游氓，流爲兵匪。農民無力以營本業，以其土地廉價售人，生活日以昂；租稅日以重。如是慘狀，觸目皆是，猶得不謂己瀕絕境乎？

由是言之，自辛亥革命以後，以迄于今，中國之情況，不但無進步可言，且有江河日



下之勢。軍閥專橫；列強之侵蝕；。日益加厲。令中國深入半殖民地之泥犁地獄。此全國人民所爲疾首蹙額，而有識者所以徬徨日夜，急欲爲全國人民求一生路者也。

然所謂生路者果如何乎？國內各黨派以至於箇人；；暨外國人，多有擬議及此者。試簡單歸納各種擬議，以一評隲其當否，而分述於下：

一曰立憲派； 此派之擬議，以爲今日中國之大患，在於無法。苟能藉憲法以謀統一，則分崩離析之局，庶可收拾。曾不思憲法之所以能更有效力，全恃民衆之擁護，假使祇有白紙黑字之憲法，決不能保證民權，俾不受軍閥之摧殘。元年以來，嘗有約法矣，然專制餘孽；軍閥官僚。僭竊擅權，無惡不作。此輩一日不去，憲法一日不生效力，無異廢紙，何補民權。邇者曹琨以非法行賄，尸位北京，亦嘗藉所謂憲法以爲文飾之具矣。而其所爲，乃與憲法若風馬牛相及。故知推行憲法之先決問題，首先在民衆之能擁護憲法與否，舍本求末，無有是處，不特此也；民衆果無組織，雖有憲法，即民衆自身亦不能運用之。縱無軍閥之摧殘，其爲具文自若也。故立派祇知求憲法，而絕不顧及將何以擁護憲法，何以運用憲法，即可知其無組織無方法無勇氣以真爲憲法而奮鬥。憲法之成立，唯在列強及軍閥之勢力顛覆之後耳。

二曰聯省自治派； 此派之擬議以爲造成中國今日之亂象，由於中央政府權力過重。故當分其權力於各省，自治已成，則中央政府權力日削無以恃以爲惡也，曾不思今日北京政府權力，初非法律所賦予，人民所承認，乃由大軍閥攘奪而得之。大軍閥既挾持暴力，

以把持中央政府，復利用中央政府。以擴充其暴力。吾人不謀所以毀滅大軍閥之暴力，使不得挾持中央政府以爲惡；乃反欲藉各省小軍閥之力，以謀削減中央政府之權能，是何爲耶？推其結果，不過分裂中國，使小軍閥各占一省，自謀利益，以與挾持中央政府之大軍閥相安於無事而已！何自治之足云？夫真正的自治，誠爲至當，亦誠適合吾民族之需要與精神。然此等真正的自治，必待中國全體獨立之後，始能有成。中國全體尙未能獲得自由，而欲一部份先能獲得自由，豈可能耶？故知爭回自治之運動，決不能與爭回民族獨立之運動分道而行。自由之中國以內，始能有自由之省。一省以內，所有經濟問題，政治問題，社會問題，惟有於全國之規模中始能解決。則各省真正自治之實現，必在全國國民革命勝利之後，亦已顯然。願國人一思之也！

三曰和平會議派：國內苦戰爭久矣！和平會議之說，應之而生，提倡而贊和者中國人。有然，外國亦有然。果循此道而得和平，寧非國人之所望？無如其不可能也。何則？構成中國之戰禍，實爲互相角立之軍閥。此互相角立軍閥，各顧其利益，矛盾至於極端，已無調和之可能，即使可能，亦不過各軍閥間利益，得以調和而已，於民衆之利益，固無與也。此僅軍閥之聯合，尙不得謂國之統一也。民衆果何需於此乎？此等和平會議之結果，必無以異於歐戰議和所得之結果；列強利益相衝突，使歐洲各小國不得和平統一，中國之不能統一，亦此數國之利益爲之梗也。至於知調和之不可能，而惟冀各派之勢力保持均衡，使不相衝突，以苟安於一者時，則更爲夢想！何則？蓋事實上不能禁軍閥中之一派不對於

他派而施以攻擊。且凡屬軍閥，莫不擁有僱傭軍隊，推其結果，不能不出於爭戰，出於掠奪。蓋掠奪於鄰省，較之掠奪於本省，爲尤易也。

四曰商人政府派！爲此說者，蓋鑒於今日之禍，由軍閥官僚所造成，故欲以資本家起而代之也。雖然，軍閥官僚所以爲民衆厭惡者，以其不能代表民衆也；商人獨能代表民衆利益乎？此當知者一也。軍閥政府託命於外人，而其惡益著，民衆之惡之亦益深。商人政府若亦託命於外人，則亦一邱之貉而已！此所當知者二也。故吾人雖不反對商人政府，而吾人之要求，則在於全體平民自己組織政府，以代表全體平民之利益，不限於商界。且其政府必爲獨立的不求助於人，而惟恃全體平民自己之效力。

如上所述，足知各種擬議，雖或出於救國之誠意，然終爲空談。其甚者則本無誠意，而徒出於惡意的譏評而已。

吾國民黨則夙以國民革命實行三民主義爲中國唯一生路。茲綜觀中國之現狀，益知進行國民革命之不可懈。故再詳闡主義，發布政綱，以宣告全國。

## 一 國民黨之主義

國民黨之主義維何？即孫先生所提倡之三民主義是已。本此主義以立政綱，吾人以爲救國之道，舍此末由！國民革命之逐步進行，皆當循此原則。此次毅然改組，於組織及紀律特加之意，即期于使黨員各盡所能，努力奮鬥，以求主義之貫徹。去年十一月二十五日

孫先生之演說，及此次大會孫先生對於中國現狀及國民黨改組問題之演述，言之綦詳。茲綜合之，對於三民主義爲鄭重之闡明，蓋必瞭然于此主義之真釋，然後對於中國之現狀而謀救濟之方策，始得有所依據也。

(一)民族主義：國民黨之民族主義，有兩方面之意義：一則中國民族自求解放；二則中國境內各民族一律平等。

第一方面：國民黨之民族主義，其目的在使中國民族得自由獨立于世界。辛亥以前，滿洲以一民族宰制于上，而列強之帝國主義，復從而包圍之；故當時民族主義之運動，其作用在脫離滿洲之宰制政策，與列強之瓜分政策。辛亥以後，滿洲之宰制政策，已爲國民運動所摧毀，而列強之帝國主義，則包圍如故。瓜分之說，變爲共管；易言之，武力的掠奪，變爲經濟的壓迫而已。其結果足使中國民族失其獨立與自由，則一也。國內之軍閥，既與帝國主義相勾結，而資產階級，亦眈眈欲起而分其餽餘；故中國民族政治上經濟上皆日即于憔悴。國民黨人，因不能不繼續努力，以求中國民族之解放。其所恃者，實爲多數之民衆，若智識階級，若農夫，若工人，若商人是已。蓋民族主義，對於任何階級，其意義皆不外免除帝國主義之侵畧，其在實業界苟無民族主義；則列強之經濟的壓迫，自國生產永無發展之可能。其在勞動界苟無民族主義；則依附帝國主義而生存之軍閥及國內外之資本案，足以蝕其生命而有餘，故民族解放之鬥爭，對於多數之民衆，其目標皆不外反帝國主義而已。帝國主義，受民族主義運動之打擊，而有所削弱；則此多數之民

衆，即能因而發展其組織，且從而鞏固之，以備繼續之鬥爭，此則國民黨能于事實上證明之者。吾人欲託實民族主義實爲健全之反帝國主義，則當努力于贊助國內各種平民階級之組織，以發揚國民之能力。蓋惟國民黨與民衆深切結合之後，中國民族之真正的自由與獨立，始有可望也。

第二方面：辛亥以前，滿洲以一民族宰制於上，具如上述。辛亥以後，滿洲宰制政策，既已摧毀無餘，則國內諸民族宜可得平等之結合。國民黨之民族主義所要求者，即在於此。然不幸而中國之政府乃爲專制餘孽之軍閥所盤據，中國舊日之帝國主義死灰不免復燃，於是國內諸民族因以有杌隉不安之象，遂使少數民族疑國民黨之主張亦非誠意。故今後國民黨爲求民族主義之貫徹，當得國內諸民族之諒解，時時曉示其在中國國民革命運動中之共同利益。今國民黨在宣傳主義之時，正欲積集其勢力，自當隨國內革命勢力之伸張，而漸與諸民族爲有組織的聯絡，及講求種種具體的解決民族問題之方法矣。國民黨敢鄭重宣言：承認中國以內各民族之自決權，於反對帝國主義及軍閥之革命，獲得勝利以後，當組織自由統一的（各民族自由聯合的）中華民國。

(二)民權主義：國民黨之民權主義，於間接民權之外，復行直接民權。即爲國民者，不但有選舉權，且兼有創制，複決，罷官，諸權也。民權運動之方式，規定于憲法，以孫先生所創之五權分立爲之原則，即立法司法行政考試監察五權分立是也，凡此既以濟代議政治之窮；亦以矯選舉制度之弊。近世各國所謂民權制度，往往爲資產階級所專有，適成

爲壓迫平民之工具。若國民黨之民權主義，則爲一般平民所共有，非少數者所得而私也。於此有當知者，國民黨之民權主義，與所謂「天賦人權」者殊科，而求所以適合於現在中國革命之需要。蓋民國之民權，唯民國之國民乃能享之。必不輕授此權於反對民國之人，使得藉以破壞民國。詳言之，則凡真正反對帝國主義之箇人及團體，均得享有一切自由及權利；而凡賣國罔民以效忠於帝國主義及軍閥者，無論其爲團體或箇人，皆不得享有此等自由及權利。

(二)民生主義：國民黨之民生主義，其最要之原則不外二者；一曰平均地權。二曰節制資本。蓋釀成經濟組織之不均者，莫大於土地權之爲少數人所操縱，故當由國家規定土地法，土地使用法，土地徵收法，及地價稅法。私人所有土地，由地主估價呈報政府，國家就價征稅，並於必要時依報價收買之，此則平均地權之要旨也。凡本國人及外國人之企業或有獨占的性質；或規模過大爲私人之力所不能辦者，如銀行，鐵道，航路之屬，由國家經營管理之，使私有資本制度不能操縱國民之生計，此則節制資本之要旨也。舉此二者，則民生主義之進行，可期得良好之基礎。於此猶有當爲農民告者；中國以農立國，而全國各階級所受痛苦，以農民爲尤甚。國民黨之主張，則以爲農民之缺乏田地，淪爲佃戶者，國家當給以土地，資其耕作，並爲之整頓水利，移值荒徼，以均地力。農民之缺乏資本至於高利借貸以負債終身者，國家爲之籌設調劑機關，如農民銀行等，供其匱乏。然後農民得享人生應有之樂。又有當爲工人告者，中國工人之生活絕無保障。國民黨之主張，凡

以爲工人之失業者，國家當爲之謀救濟之道，尤當爲之制定勞工法，以改良工人之生活。此外如養老之制，育兒之制，周恤廢疾者之制，普及教育之制，有相輔而行之性質者，皆當努力以求其實現：凡此皆民生主義所有事也。

中國以內，自北至南，自通商都會，以至於窮鄉僻壤貧乏之農夫，勞苦之工人，所在皆是。因其所處之地位，與所感之痛苦，類皆相同。其要求解放之情，至爲迫切；則其反抗帝國主義之意，亦必至爲強烈。故國民革命之運動，必恃全國農夫工人之參加，然後可以決勝，蓋無可疑者。國民黨於此，一方面當對於農夫工人之運動，以全力助其開展；輔助其經濟組織，使日趨於發達，以期增進國民革命運動之實力。一方面又當對於農夫工人要求參加國民黨，相與爲不斷之努力，以促國民革命運動之進行。蓋國民黨現正從事於反抗帝國主義與軍閥，反抗不利於農夫工人之特殊階級，以謀農夫工人之解放。質言之，即爲農夫工人而奮鬥，亦即農夫工人爲自身而奮鬥也。

國民黨之三民主義，其真釋具如此。而本黨改組後，以嚴格之規律施以教育及訓練，使我爲能宣傳主義，運動羣衆，組織政治之革命的人才。同時以本黨全力，對於全國國民爲普遍的宣傳，使加入革命運動，取得政權，克服民敵。至於既取得政權樹立政府之時，爲制止國內反革命運動，及各國帝國主義壓制吾國民衆勝利的陰謀，芟除實行國民黨主義之一切障礙；更應以黨爲掌握政權之中樞。蓋惟有組織有權威之黨，乃爲革命的民衆之本據，能爲全國人民盡此忠實之義務故耳。

### 三 國民黨之政綱

吾人于黨綱固悉力以求貫徹，願以道途之遠，工程之鉅，誠未敢謂咄嗟有成。而中國之現狀，危迫已甚，不能不立謀救濟；故吾人所以刻刻不忘者，尤在準備實行政綱，爲第一步之救濟方法。謹列舉具體的要求，作爲政綱；凡中國以內，有能認國家利益高出于一人或一派之利益者，幸相與明辨而公行之。

#### 甲 對外政策

(一) 一切不平等條約；如外人租借地，領事裁判權，外人管理關稅權，以及外人在中國境內行使一切政治的權力侵害中國主權者，皆當取消。重訂雙方平等互尊重主權之條約。

(二) 凡自願放棄一切特權之國家，及願廢止破壞中國主權之條約者，中國皆將認爲最惠國。

(三) 中國與列強所訂其他條約有損中國之利益者，須重新審定，務以不害雙方主權爲原則

(四) 中國所借外債，當在使中國政治上實業上不受損失之範圍內保證並償還之。

(五) 中國境內不負責任之政府，如賄選竊僭之北京政府，其所借外債，非以增進人民幸福，乃爲維持軍閥之地位，俾得行使賄買，侵吞盜用，此等債款，中國人民不負責償還之責任。



(六) 召集各省職業團體(銀行界商會等)社會團體(教育機關等)組織會議，籌備償還外債之方法，以求脫離因困頓於債務而陷於國際的半殖民地之地位。

### 乙 對內政策

(一) 關於中央及地方之權限，采均權主義；凡事務有全國一致之性質者，劃歸中央；有因地制宜之性質者，劃歸地方。不偏於中央集權制或地方分權制。

(二) 各省人民得自定憲法，自舉省長，但憲法不得與國憲相抵觸。省長一方面為本省自治之監督；一方面受中央指揮以處理國家行政事務。

(三) 確定縣為自治單位，自治之縣，其人民有直接選舉及罷免官吏之權；有直接創制及複決法律之權。

土地之稅收；地價之增益；公地之生產；山林川澤之息；礦產水力之利，皆為地方政府之所有，用以經營地方人民之事業，及應育幼、養老、濟貧、救災、衛生、等各種公共之需要。各縣之天然富源，及大規模之工商事業，本縣資力不能發展興辦者，國家當加以協助。其所獲純利，國家與地方均之。

各縣對於國家之負擔，當以縣歲入百分之幾為國家之收入。其限度不得少於百分之十，不得超過於百分之五十。

(四) 實行普通選舉，廢除以資產為標準之階級選舉。

(五) 釐訂各種考試制度，以救選舉制度之窮。

- (六) 確定人民有集會，結社，言論，出版，居住，信仰，之完全自由權。
  - (七) 將現時募兵制度，改爲徵兵制度。同時注意改善下級軍官及兵士之經濟狀況，并增進其法律地位。施行軍隊中農業教育及職業教育，嚴定軍官之資格，改革任免軍官之方法。
  - (八) 嚴定田賦地稅之法定額，禁止一切額外徵收，如釐金等類，當一切廢絕之。
  - (九) 清查戶口，整理耕地，調正糧食之產銷，以謀民食之均足。
  - (十) 改良農村組織，增進農人生活。
  - (十一) 定勞工法，改良勞動者之生活狀況，保障勞工團體，並扶助其發展。
  - (十二) 于法律上、經濟上、教育上、社會上、確認男女平等之原則，助進女權之發展
  - (十三) 勵行教育普及，以全力發展兒童本位之教育。整理學制系統，增高教育經費，并保障其獨立。
  - (十四) 由國家規定土地法，土地使用法，土地徵收法，及地價稅法。私人所有土地，由地主估價呈報政府。國家就價征稅，并於必要時得依報價買云。
  - (十五) 企業之有獨占的性質者，其爲私人之力所不能辦者，如鐵航道路等，當由國家經營管理之。
- 以上所舉細目，皆吾人所認爲黨綱之最小限度，目前救濟中國之第一步方法。

## 通告第廿四號（黨員須嚴守紀律努力工作）（十三年三月十六日）

爲通告事，本黨自革命同盟會以來，歷三十餘年之奮鬥，苦心孤詣，百折不撓，立志不可謂不專；用力不可謂不勤。然時至今日，覈其成功，仍若是之渺者，固由其始之組織未密，訓練未周所致。然而一般黨員對於黨與個人之關係，容有未能澈底了解，亦是重要原因之一也。茲重爲我一般同志愷切言之！

夫結合多數之同志以成黨，即應集中權力於黨以約束多數之同志，故凡屬黨員，只有服從黨之行動，而無黨員個人之自由；只有以本身之能力貢獻於黨，以達黨之目的，斷不能反藉黨之能力以謀黨員個人之活動。蓋黨之成功，即黨員個人之成功。若各自藉黨以求黨員個人之成功，其結果必令黨受莫大之損失，而總歸於失敗。是以在黨員個人亦無成功之可言。故犧牲黨員個人之自由，即所以保障黨之自由。集合多數黨員之能力而成黨之能力，即爲一黨成功之張本。反是未有不歸於失敗！

黨與個人之關係既如上述。因此凡屬黨員之任職于黨政府下之軍政民政財政各機關者，無論任職之大小，皆須明瞭本身之置身仕途，乃爲希望達到黨之目的而從政；非爲希望達到個人之目的而從政。若誤認爲希望達到個人之目的而從政，根本上既發生矛盾。則操之無本，措亦乖宜。且不啻於黨中自樹一敵。其損害何可勝道！各同志當知本黨萬不能犧牲一黨以滿足個人慾望，故任職之黨員，比之一般黨員，須格外絕對服從黨義，一經入黨

則個人行動，一切皆範疇於黨的行動。謹守本黨政策，以博得多數人民之信仰，而本黨基礎乃賴之鞏固。茲為策勵各同志益加奮勉起見，標明三義；俾有遵循。若夫防制逾越，則有本黨紀律在焉。

第一 嚴守本黨主義：本黨第一次全國代表大會宣言，已證明實行三民主義，為中國唯一生路。本黨總理歷次演講，對此曾加以鄭重闡明。各同志之任職於黨政府之下者，對於主義宣傳與運用，須加倍努力，使本黨成為革命民衆之根據。

第二 實行本黨策略：本黨所定對外政策凡七事；對內政策凡十六事；既條張口舉，準備實行，任職黨員，握有權位，當奮全力以赴之，庶幾代表本黨行動以餒羣衆所望！

第三 與民衆同甘苦：革命期間須先有所犧牲，以為取得成功之代價。今日黨政府下之民衆，其所犧牲者甚鉅！然而不稍形畔者，蓋期望於本黨良殷也。任職黨員，當如何刻苦自勵！以慰藉民衆。其有縱恣驕橫尊養而優處者，已為民衆所棄，甚焉者藉黨營私，務充一己慾壑。固不獨騰謗民衆，而使本黨失去信用於民衆，徒供彼一人為府怨之具，此尤為本黨所不容者矣。

上述三義，所以促各同志之醒悟。各同志須知本黨此次改組動機，原欲令本黨成一有組織有權威之黨，以負荷國民革命之重大使命。若是，則端賴各同志為黨努力，以黨的功，賅括個人的成功。不然，步驟之不齊整者如故；叫囂噓突而莫衷一時者如故，是則本黨之改組為多事，同志之入黨為別有所圖，甚非本黨總理毅然改組之所望也。願與各同志

共勉之！

中國國民黨中央執行委員會

主席孫文

重要宣言集

## 爲商團事件對外宣言

自廣州匯豐銀行賣辦開始公然反抗我政府後，余即疑彼之叛國行動，有英國之帝國主義爲其後盾；但余不欲深信，因英國工黨今方執政，該黨於會議中及政綱中曾屢次表示同情於被壓迫之民族，故余當時尙希望此工黨政府既已握權在手，或能實行其所表示，至少拋棄從前以禍害恥辱積壓於中國之砲艦政策，而在中國創始一國際公道時代，即相傳爲英工黨政治理想中之一原則者。不意八月二十九日英總領事致公文於我政府，聲稱沙面領團『抗爭對一無防禦的城市開砲之野蠻舉動』，末段數語則無異宣戰。其文曰：『余已接上級英海軍官通告，謂彼已奉香港海軍總司令訓令，倘中國當局對城市開砲，所有一切可用之英海軍隊應立即行動。』茲我政府拒絕『對一無防禦的城市開砲之野蠻舉動』之妄言！須知我政府對於廣州全市，或因不得已而有所舉動之處，只有西關郭外之一部，而此處實爲陳廉伯叛黨之武裝根據地。此項妄言所從出之方面，乃包含新加坡屠殺事件及阿立察（印度）埃及愛爾蘭等處殘殺行爲之作者在內，改實爲帝國主義熱狂之一種表現！他國姑勿論，最近在吾國之萬縣，英海軍非欲砲擊一無防禦之城市，直至吾同胞兩人被捕，不經審判，立即槍斃，以滿足帝國主義之兇暴，而始免於一擊乎？然則是否因此種暴舉可以施諸一軟弱不統一之國家而無礙，故又欲施諸別一中國之城市當局歟？惟余覺此項帝國主義的英國之挑戰，其中殆含有更惡之意味。試觀十二年來，帝國主義各強國於外

交上精神上及以種種借款始終一致的贊助反革命，則吾人欲觀此項帝國主義的行動，爲並非企圖毀壞吾之國民黨政府，始不可行。蓋今有對我政府之公然反抗舉動，其領袖爲在華英帝國主義最有機關之一代理人，我政府謀施對付此項反抗舉動之惟一有力方法，而所謂英國工黨政府者乃作打倒我政府之恐嚇，此是何意味乎？蓋帝國主義所欲毀壞之國民黨政府，乃我國中唯一努力圖保持革命精神之政府，乃唯一抗禦反革命之中心，故英國之砲欲對之而發射！從前有一時期，爲努力推翻滿清；今將開始一時期，爲努力推翻帝國主義之干涉中國，掃除完成革命之歷史的工作之最大障礙。

一九二四年九月一日。 孫文，

## 爲駐粵英領的哀的美敦書向麥克唐納爾政府抗議電

(十三，九，一〇)

匯豐銀行廣州支行買辦(陳廉伯)，近組織一所謂中國法西斯蒂黨之團體，其傾覆本政府之目的現已披露，叛黨擬俟由歐來粵之哈佛(澤首)船所運入口之軍械到手，即將實行之。該哈佛輪已于八月十日行抵廣州，即被本政府扣留，由是叛黨及革命黨在廣州藉罷市名目，即已呈現謀叛狀態。惟時余正擬適當方法戡定叛亂，不意忽接駐粵英總領事致本政府一函，內有數言如下：『本總領事現接駐粵英國海軍艦隊領袖軍官來訊，謂經奉香港艦隊司令命令，如遇中國當道有向城市開火之時，英國海軍加以全力對待。』夫中國反革命黨既屢得英國歷來政府之外交及經濟的援助，而本政府又實爲今日反革命黨之唯一抵抗中心；故余迫于深信此哀的美敦書之主旨，乃傾滅本政府。對於最近此種帝國主義干涉中國內政之舉，余特提出嚴重抗議。孫文。



## 北伐宣言

國民革命之目的，在造成獨立自由之國家，以擁護國家及民衆之利益。辛亥之役，推倒君主專制政體暨滿洲征服階級，本已得所藉手，以從事於目的之貫徹；假使吾黨當時能根據於國家及民衆之利益，以肅清反革命勢力，則十三年來政治根本當已確定，國民經濟教育鞏固諸端，當已積極進行，革命之目的縱未能完全達到，然不失正鵠，以日躋於光明，則有斷然者。

原夫反革命之發生，實繼承專制時代之思想，對內犧牲民衆利益，對外犧牲國家利益，以保持其過去時代之地位。觀於袁世凱之稱帝，張勳之復辟，馮國璋徐世昌之毀法，曹琨吳佩孚之竊位盜國，十三年來連續不絕，可知其分子雖有新陳代謝，而其傳統思想，則終始如一。此等反革命之惡勢力，以北京爲巢窟，而流毒被於各省。間有號稱爲革命分子，而其根本思想初非根據於國家及民衆之利益者，則往往志操不定，受其吸引與之同腐，以釀成今日分崩離析之局，此真可爲太息痛恨者矣。反革命之惡勢力所以存在，實由帝國主義卵翼之使然，証之民國二年之際，袁世凱將欲摧殘革命黨以遂其帝制自爲之欲，則有五國銀行團大借款於此時成立，以二萬萬五千萬元供其戰費。自時厥後，歷馮國璋徐世昌諸人，凡一度用兵於國內，以摧殘異己，則必有一度之大借款，以資其揮霍。及乎最近曹琨吳佩孚加兵東南，則久懸不決之金佛郎案即決定成立。由此種種，可以知十三年來之戰禍，直接接受自軍閥，間接受自帝國主義，明明白白，無可疑者。今者，浙江

友軍爲反抗曹琨吳佩孚而戰，奉天亦將出於同樣之決心與行動，革命政府已下明令出師北嚮，與天下共討曹琨吳佩孚諸賊，於此有當重爲國民告且爲友軍告者：此戰之目的，不僅在覆滅曹吳，尤在曹吳覆滅之後，永無同樣繼起之人，以繼續反革命之惡勢力；換言之，此戰之目的，不僅在推倒軍閥，尤在推倒軍閥所賴以生存之帝國主義。蓋必如是，然後反革命之根株乃得永絕，中國乃能脫離次殖民地之地位，以造成自由獨立之國家也。中國國民黨之最終目的，在於三民主義。本黨之職任，則爲實行主義而奮鬥。故敢謹告於國民及友軍曰，吾人顛覆北洋軍閥之後，必將要求現時必需之各種具體條件之實現，以爲實行最終目的三民主義之初步。此次暴發之國內戰爭，本黨因反對軍閥而參加之，其職任首在戰勝之後，以革命政府之權力，掃蕩反革命之惡勢力，使人民得解放而謀自治；尤在對外代表國家利益，要求取消新審訂一切不平等之條約，即取消此等條約中所定之一切特權，而重訂雙方平等互尊主權之條約，以消滅帝國主義在中國之勢力。蓋必先令中國出此不平等之國際地位，然後下列之具體目的方有實現之可能也。

一，中國躋於國際平等地位以後，國民經濟及一切生產力得充分發展。

二，實業之發展，使農村經濟得以改良，而勞動農民之生計有改善之可能。

三，生產力之充分發展，使工人階級之生活狀況有因其團結力之增長，而有改善之機

會。

四，農工業之發達，使人民之購買力增高，商業始有繁盛之新機。

五，文化教育等問題，至此方不落于空談。以經濟之發展，使智識能力之需要日增，而國家富力之增殖，可使文化事業及教育之經費易于籌措。一切智識階級之失業問題，失學問題，方有解決之端緒。

六，中國新法律更因不平等條約之廢除，而能普及於全國領土，實行於一切租界，然後陰謀破壞之反革命勢力無所憑藉。

凡此一切，當能做成鞏固之經濟基礎，以統一全國，實現真正之民權制度，以謀平民群眾之幸福。故國民處此戰爭之時，尤當亟起而反抗軍閥，求此最少限度之政綱實現，以爲實行三民主義之第一步。（十三，九，十八。）

## 北 上 宣 言

本年九月十八日，本黨對於出師北伐之目的曾有宣言，其主要之意義，以為國民革命之目的在造成獨立自由之國家，以擁護國家及民衆之利益。此種目的，與帝國主義欲使中國永爲其殖民地者絕有不能相容。故辛亥之役，吾人雖能推倒滿洲政府，曾不須臾，帝國主義者已勾結軍閥以與國民革命爲敵，務有以阻止國民革命目的之進行。十三年來，軍閥本身有新陳代謝，而其性質作用，則自袁世凱以至于曹錕吳佩孚，如出一轍。故北伐之目的，不僅在覆滅曹吳，尤任曹吳覆滅之後永無同樣繼起之人，換言之，北伐之目的，不僅作推倒軍閥，尤在推倒軍閥所賴以生存之帝國主義，蓋必如是，然後國民黨革命之目的，乃得以掃除障礙之故而活潑進行也。

民國革命之目的，在造成獨立自由之國家，以擁護國家及民衆之利益。其內容爲何，本黨第一次全國代表大會宣言已詳述之。蓋以民族，民權，民生三主義爲基本，而因應時勢，列舉救濟方法，以爲最少限度之政綱。語其大要，對外政策，一方在取消一切不平等之條約及特權，一方在變更外債之性質，使列強不能利用此種外債，以致中國坐困於次殖民地之地位，對內政策，在劃分中央與省之權限，使國家統一與省自治各遂其發達而不相妨礙；同時確定縣爲自治單位，以深植民權之基礎。且當以全力保障人民之自由，輔助農工實業團體之發達，謀經濟教育狀況之改善。蓋對外政策果得實現，則帝國主

義在中國之勢力歸於消滅，國家之獨立自由可保，對內政策果得實現，則軍閥不致死灰復燃，民治之基礎莫能搖動。此敢信於中國之現狀實為對症之良藥也，北伐目的宣言。根據此旨，且為之說明其順序：（一）中國躋於國際平等地位以後，國民經濟及一切生產方得充分發展。（二）實業之發展。使農村經濟得以改良，而勞動農民之生計有改善之可能。（三）生產力之充分發展，使工人階級之生活狀況得因團結力之增長，有改善之機會。（四）農業之發達，使人民之購買力增加，商業始有繁盛之動機。（五）文化及教育等問題，至此方不落於空談。以經濟之發展，使智識能力之需要日增，而國家富力之增殖。可使文化事業及教育之經費易於籌措。一切智識階級之失業問題，失學問題，方有解決之端緒。（六）中國之法律。更因不平等條約之廢除，而能普及於全國領土。一切租界已廢除，然後陰謀破壞之反革命勢力無所憑藉。以上諸端，凡屬國民，不別其為實業家，為農民，為工人，為學界，皆無不感其切要，而共同奮圖以其實現者也。

國民革命之目的，其內容具如此。十三年來，帝國主義與軍閥互相勾結，以為其進行之障礙，遂使此等關係民國存亡國民生死之牽掣諸端，無絲實現。為謀目的之到達，不得不從事於障礙之掃除，此北伐之舉所以不容已也。

自北伐目的宣布以後，本黨旗幟下之軍隊在廣東者，次第集中北江以入江西，而本黨復從種種方面指示國民以帝國主義所援助之軍閥，雖懷挾其武力統一之夢想，而其失敗終為不能免事實。今者吳佩孚之失敗，足以證明本黨判斷之不謬矣。

軍閥所挾持之武力，得帝國主義之援助而增其數量，此自袁世凱以來已然。然當其盛時，雖有帝國主義爲之羽翼，及其敗也，帝國主義亦無以救。此其故安在？二年東南之役，袁世凱用兵，無往不利；三四年間，叛迹漸著，人心漸去，及反對帝制之兵起，終至衆叛親離，一蹶不振。七年以來，吳佩孚用兵亦無往不利，驕氣所中，以爲可以力征經營天下，至不恤與民衆爲敵，屠殺工人學生，以摧殘革命之進行，及人心已去，終至於一敗塗地而後已；猶於敗亡之餘，致電化京公使團，請求加以援助，其始終甘爲帝國主義之傀儡，而不能了解歷史的教訓如此。由斯以言，帝國主義之援助，終不敵國民之覺悟。

帝國主義惟能乘吾國民之未覺悟以求逞，軍閥亦惟能乘吾國民之未覺悟以得志於一時，卒之未有不爲國民覺悟所屈伏者。願我友軍將士暨吾同志，於勞苦功高之餘，一念及之也。

吾人於此，更可以得一證明，凡武力與帝國主義結合者無不敗；反之，與國民結合以速國民革命之進行者無不勝。今日以後，當劃一國民革命之新時代，使武力與帝國主義結合之現象永絕迹亦國內，其代之而興之現象，第一步使武力與國民相結合，第二步使武力爲國民之武力，國民革命，必於此時乃能告厥成功。今日者國民之武力固尙無可言，而武力與國民相結合，則端倪已見。吾人於此，不得不努力以期此結合之確實而有進步。

欲使武力與國民深相結合，其所由之途徑有二：

其一，使時局之發展能適應於國民之需要。蓋必如是，然後時局發展之利益歸於國

民，一掃從前各派勢力瓜分利益及壟斷權利之罪惡。

其二，使國民能自選擇其需要。蓋必如是，然後國民之需要乃得充分表現，一掃從前各派包攬把持隔絕羣衆之罪惡。

以上二者，爲國民革命之新時代與舊時代之鴻溝劃然，蓋舊時代之武力爲帝國主義所利用，新時代之武力則用以擁護國民利益而掃除其障礙者也。

本黨根據以上理論，對於時局，主張召集國民會議，以謀中國之統一與建設。而在國民會議召集以前，主張先召集一預備會議，決定國民會議之基礎條件及召集日期選舉方法等事。

預備會議，以左列團體之代表組織之！

一現代實業團體，二商會，三教育會，四大學，五各省學生聯合會，六工會，七農會，八共同反對曹吳各軍，九政黨。

以上各團體之代表，由各團體之機關派出之，人數宜少，以期得迅速召集。

國民會議之組織，其團體代表與預備會議同。惟其代表須由各團體之團員直接選舉，人數當較預備會議爲多。全國各軍皆得以同一方法舉選代表，以列席於國民會議。於會議以前，所有各省的政治犯完全赦免，並保障各地方之團體及人民有選舉之自由，有提出議案及宣傳討論之自由。

本黨致力國民革命，於今十三餘年。以今日國內之環境而論，本黨主張，雖自信爲

救濟中國之良藥，然欲得國民之了解，亦大非易事。惟本黨深信國民自決爲民國革命之要道。本黨所主張之國民會議實現之後，本黨將以第一次全國代表大會宣言所列舉之政綱，提出於國民會議，期得國民澈底的明瞭與贊助。

本黨於此，敢以熱誠告於國民曰：國民之命運，在於國民之自決。本黨自能得國民之援助，則中國之獨立自由統一諸目的，必能依於奮鬥而完全達到。凡我國民，盍興乎來？

中華民國十三年十一月十三日，中國國民黨總理孫文。



## 大元帥對善後會議之通電

各省軍民長官各團體各報館均鑒，竊覆段執政東電如下，段執政賜鑒，東電敬悉，溯自夫歲十一月十三日文發廣州，曾對於時局發表宣言，主張以國民會議為和平統一之方法，而以預備會議謀國民會議之產生。迨十七抵日，二十一日向神戶，三十日向天津。途中在各報電聞欄內，獲知執事於十一月二十一日發表召集善後會議及國民代表會議之主張，而未得其詳。及十二月四日抵天津，為肝病所困，許君世英訪造病榻，出示馬電全文及善後會議條例草案，並云條例草案，已於國務會議通過，徵求鄙見。當時會就鄙見所及，竭誠相告，想承轉達。自是屢思於入京晤對之際，繼續抒其衷曲，無如病久未愈，遷延至今，屈指自接東電至今，已逾半月，距善後會議開會之期已近，夫今不言，雖欲張皇補苴，亦將無及。故強支病體，罄其所欲言，惟垂察焉。善後會議，於誕生國民代表會議之外，尙兼及於軍事財政之整理，其權限迥較預備會議為寬。而構成分子，則預備會議所列，人民團體，無一得與。夫十四年來，會議之開屢矣。其最大者，有六年之督軍會議，八年之南北會議，皆無良果。揆其原因，實由於會議之構成分子，皆為政府所指派，而國民對於會議無過問之權，故不能選舉代表，參列議席，甚至求會議公開而不可得。坐是會議與人民，漠無關係，人民不得不仍守其漠視國事之故習，而人民利害，絕不能於會議中求其表現。且政府所指派之人物，類皆所謂實力派之代表，其各自之利害情感，雜然互殊，往

往苦於無調劑之術。故會議之不能得良果，亦固其所。說者謂會議若不爲實力派所左右，恐會議之結果，不能實行，文則以爲會議之能收效果與否，全視實力派能聽命于會議與否爲斷。試以巴黎會議言：法國福煦將軍，戰時統法國之兵，不下四百餘萬，協商國諸軍亦歸指揮。英國海克將軍，統兵三百餘萬，美國巴星將軍統兵二百餘萬，其實力在國內，洵無倫比。一旦戰事平息，釋兵歸伍，對于和會，絕無干預，其權限分明如此，故能大有造于國家。由是言之，此次共同反對曹吳各軍，誠爲勞苦功高，苟于會議之際，退處無權，將益增其榮譽，必謂欲左右會議，夫豈其然。當國事紛擾期間，不能不以歐美先進爲例，且當國民革命初步，有賴于武力與民意相結合，故預備會議，以共同反對曹吳各軍，及政黨與人民團體平等同列，此即脗合于武力與民意相結合之旨也，使豫備會議而能實現，則國內智識階級，如教育會大學學生聯合會等，生產階級，如實業團體農工商等，皆得與有軍事政治之實力者相聚於一堂，以共謀國家建設之大計，既可使此會議能表現全民之利害情感然後可導國民於通力合作之途，民治前途，必有良效。善後會議所列構成分子，則似偏於實力一方面，而於民意方面，未免忽略，恐不能矯往轍成新治，此鯁鯁之慮，所爲不安者也。固知於善後會議之後，尙有國民代表會議在，然國民代表會議，由善後會議所誕生，則善後會議，安可不慎之於始！況其所論議者，尙廣及軍制財政乎。文籌思再三，敬竭愚誠，爲執事告，文不必堅持預備會議名義，但求善後會議，能兼納人民團體代表，如所云現代實業團體商會教育學各省學生聯合會工會大會農會等，其代表各團體之機關，派出

人數宜少，以期得迅速召集。如是則文對於善後會議，及善後會議條例，當表贊同，至於會議事項，雖可涉及軍制財政，而最後決定之權，不能不讓之國民會議。良以民國以民爲主人，政府官吏及軍人，不過人民之公僕，曹吳禍國，挾持勢力，壓制人民，誠所謂冠履倒置。今欲改絃更張，則第一著手，當俾人民回復主人之地位，而使一切公僕各盡所能，以爲人民服役，然後民國乃得名副其實也，凡此所陳，固以國家前途計，亦以執事與文久同患難，敢附於知無不言，言無不盡之義，尙祈俯察爲幸。孫文篠，

## 本黨不參加善後會議之通電

去歲十一月十三日本黨總理公布對於時局之宣言，主張開國民會議以解決時局，而先之以預備會議，以議定國民會議之基礎條件，召集日期，選舉方法等。預備會議之構成分子，爲現代實業團體、商會、教育會、大學、學生聯合會、農會、工會、共同反對曹吳各軍、各政黨；國民會議之構成分子與之相同，惟選舉方法及人數，較預備會議爲繁且密，以期得真正之民意。自宣言公布以來，海內外各民衆團體，群起響應。函電絡繹，披露報端，爲國人所共見。而各處國民會議促成會更風起雲湧，進行極猛，宣言所主張爲人民心理之所同，於此可証。臨時執政府所召集之善後會議，及國民代表會議，其國民代表會議之組織方法，未知如何，至於善後會議條例，則其組織方法，並非以人民團體爲基礎。故本黨總理於一月十七日覆電臨時執政府提出兩條件；其一，善後會議加入現代實業團體、商會、教育會、大學、學生聯合會、農會、工會、諸代表；其二，善後會議雖可討論軍制、財政、諸問題，而最後決定之權，當還於國民會議。並聲明如臨時執政府能容納此條件，則對於善後會議，當表贊同。此爲本黨總理對於臨時執政府最少限度之讓步。二十九日臨時執政府覆電對於此兩條件，未能容納，而本黨總理臥病未愈，未能親決庶務。故中央執行委員會仰體本黨總理意旨，議決對於善後會議不能贊同。凡讀本黨總理十一月十三日之宣言、及一月十七日之覆電者，當知此議決，實爲本黨必然之結果，惟本黨尙有當鄭重爲

臨時執政府暨國民告者：本黨總理一月十七之日覆電，一方表示尊重民意之堅決態度；一方表示對於臨時執政府相當讓步之精神。本黨仍守此堅決及讓步之旨，務期真正民意得以充分表現，以爲解決時局之最高機關。本黨將竭其力之所能至，以觀厥成焉，中國國民黨中央執行委員會冬

(十四，二，二)

## 反對善後會議制定國民會議組織法之通電

國民會議爲解決時局之唯一方法，亦即國民意思之最高機關。自本黨總理提倡以來，已得海內之一致響應。願欲求國民會議之完全實現，必備下列條件：（一）構成分子須如本黨總理宣言所列：現代實業團體、商會、教育會，大學，各省學生聯合會、農會、工會、各軍、各政黨，然後國民會議，始得名稱其實。（二）選舉方法，務求普通，形式務求公開。予選舉人以充分之選舉自由，嚴禁一切包攬把持營私舞弊等事。（三）會議之際，務求國民意思，得充分表現，無論何種勢力，均不得有干涉會議之嫌疑。以上諸條件，欲求其具備，則國民會議組織法如何制定，實爲先決問題，蓋組織法爲國民會議所由產生，若組織法不得其宜，則國民會議不惟等諸告朔餼羊。且恐適以供人飽餽！本黨經鄭重之考慮，爲嚴正之決議：國民會議構成之分子，非以人民團體爲主要，決不能以善後會議產生國民會議。甚望人民團體自制定故國民會議組織法，蓋惟人民團體所制定之組織法，乃能產生真正國民會議也。謹此宣言，惟共鑒之！中國國民黨蒸印，

（十四，二，十）

## 本黨對於金佛郎案之宣言

自金法郎問題發生以來，國民以其損失國家之權利甚大，故起羣反對，遷延至今。近聞臨時執政府已將與法國公使對於金法郎問題磋商解決，本黨爲維持國家之權利起見，不得不對於臨時政府致其忠告；並促國民對此事之嚴重注意，蓋在從前帝國主義者迫脅中國所履行之庚子條約中，對法國之賠款交付，並無紙法郎與金法郎之區別。其後法郎價格之跌落，完全由於世界大戰所蒙之結果。此世界大戰，又屬於帝國主義之國家互相侵畧而成，非中國所能負責。故法郎價格之低落，中國亦不能連帶負責。今以庚子條約無明白聲明之法郎爲紙爲金，而遽責中國之必償金法郎，以增加中國國民莫大之担負其將何以應付？中國國民黨曾以王張修改不平等條約之故，而備受帝國主義者之種種壓迫及破壞。今帝國主義者，對於條約所未載明，而足以增加其利益，及予中國國民以重大之担負者，則任意爲之而無所忌憚，勢非至於中國現在及將來之財政命脈，悉爲帝國主義者所把持涸竭而不止。○況一國政府對於解決與國家財政關係重大之問題，若金法郎案者，必由全國國民或人民代表機關所產生之正式政府，始能有權辦理。今臨時執政府，既係臨時性質，故對於辦理此等重大之事，自以留待正式政府辦理爲宜。聞法國政府對於求要吾國承認金法郎之交換條件，即爲不加阻撓於吾國修改關稅稅則之會議，無論此說猶爲一幻想之事。即便可行，而所得仍不足以償所失。蓋承認金法郎案，即無異增加無數之賠款，若是，則吾國即使能

稍增關稅，而大部分之關稅收入，仍將付之於增加之賠款之中。吾人固知臨時執政府之財政極爲困難，然此決不足以作爲帝國主者犧牲本國之權利及國家主權之理由。吾人對於此等重大之問題，認爲必須由國民會議產生之正式政府，始有權以討論決定之。而現在惟一之要務，即在從速召集國民會議，以產生一正式之政府，以解決吾國經濟上種種困難之問題，而不至於妨害人民之利益及國家之主權。中國國民黨，基於以上理由，故不得不再三鄭重聲明。即凡對於國家之重大問題之足以增加人民担当者，非經國民會議，及國民會議所產生之正式政府之討論，與決定，中國國民，決不承認此等之担負。特此宣言。

中華民國十四年二月十二日



# 通告第一二五號——否認北京民黨俱樂部（十四年四月十五日）

爲通告事，案准本黨中央執行委員會北京執行部秘書處函開。最近北京發現中國國民黨俱樂部之組織。黨外不知真相誤認爲本黨所組織，即在北京同志，亦有莫名其妙者，紛紛來本執行部詢問。本執行部因事關重大，即召集第十四次中央執行委員會會議，討論此事經本會議決。登北京各報聲明，其通告如下：中國國民黨中央執行委員會北京執行部通告，現據北京特別市黨部常務委員面詢，本月八日北京大學第三院所開之中國國民黨俱樂部成立大會，是否與本黨有關云云……查該俱樂部，并非本黨同志所組織，與本黨毫無關係，爲免除同志誤會起見，特此通告等因，查該俱樂部雖冠以中國國民黨之名稱，其實爲各黨各派之份子所組合。誠恐各省區同志亦誤認爲本黨所組織之俱樂部，或冒然加入。於本黨前途進行，大有妨害。務於接到本通知後，迅速通知貴省區各市縣黨部同志，一體知照，切切等由。准此，當即將來函提出本會第七十次會議決議，通告各黨部等因。查本會上年三月六日通告第二十三號開，現奉總理面諭，本黨改組後所有各種組織，皆依總章辦理，凡以前所有冠以「中國國民黨」字樣等團體，而總章未有規定者，均應即日取消，以後如有組織某項團體之必要時，應由所在地之最高黨部直接組織并指揮之。凡屬黨員不得假借名義，自由行動。如敢故違，應即執行紀律，從嚴懲辦，以肅黨紀等因。奉此，爲此通告各地同志，如在本通告未發出以前，所有「中國國民黨某某」等團體，一律即行取消，以後

不得任意設立此項團體，以破壞總章等因。現據報告該俱樂部，既屬各黨各派所組織，決非純粹本黨黨員可知。乃竟冠以中國國民黨名稱，實屬離奇已極！如有少數黨員在內，該黨員違犯黨紀，應受相當之懲戒。嗣後本黨黨員如須組織某項團體，須由所在地最高黨部直接組織，不得假借本黨名義，自由行動，致干紀律。特此通告。

## 中國國民黨接受總理遺囑宣言

中華民國創造者本黨總理孫先生之逝世，不僅爲我中華民國從來未有之最大損失，全世界被壓迫民衆之解放運動，亦受極大之打擊。此唯一的崇高偉大仁慈之父師，不可復作；民衆既失所倚庇，本黨之根本，亦幾乎動搖。然以我總理積四十年國民革命運動之精誠，孕育我中國國民黨，誠實之信徒，繼續受此偉大精神所涵養，一如總理在日；即或有對於總理之主張，發生懷疑者，遲早必發現總理主張之正確，與自己懷疑之錯誤。因此，吾人雖處哀悼悲痛之中，而總理偉大之精神，主義，遺囑，已遺授於吾人，吾人不惟不因總理長逝而喪失國民革命勇氣；且秉此對於總理偉大之精神，主義，遺囑之信心，如日之明朗，照吾人革命之勝利之前途。總理所遺未竟之工作，即吾人所完全繼承之重大責任。是以中國國民黨中央執行委員會全體會議以全體一致之堅決的意志，宣言於我全國國民及世界民衆曰：

吾黨同志，追隨我總理孫先生，努力於中國國民革命之事業：顛覆君政；創立民國；撲滅軍閥，抵禦外侮；恒以百折不撓之精神，繼續奮鬥，以圖恢復民族平等，國家獨立，使我中國脫離半殖民地之地位，造成依據三民主義之完全獨立自由的國家，於今三十餘年矣。去年一月，我總理召集第一次全國代表大會，其意蓋使本黨依據民主的集權制，建立一組織完成之革命黨；惟組織完成之真正的革命黨，乃能擔負完成國民革命之工作。溯自

吾黨最初成立以來，三民主義，即爲吾黨之基礎，而總理又運用其智仁勇之大德，貫以至誠，以領導中國國民革命運動。當滿洲君政顛覆以後，革命政府，爲情勢所迫，不得已而與反革命的專制階級謀妥協；此種妥協，實間接與帝國主義相調和，遂爲國民革命第一次失敗之根源。自是而後，革命之進行，每有一度之成功，必與反革命的專制階級，謀一度之妥協；而每次之妥協，皆足使過去革命之犧牲，失其意義。十餘年來，始終以不斷之努力，督勵同志，固執三民主義之原理與政策而不稍讓者，實惟我總理一人。然革命之偉業，非大多數之民衆參加，必不能得完全之成功。而革命黨人，苟非對於本黨之主義，澈底了解，爲適合民衆政治的需要之宣傳，必不能引導民衆參加國民革命之運動。在第一次之全國代表大會，總理以國民革命之責任，完全付托於全黨同志，其全體一致議決宣言及最小限度之政綱，則表示全黨同志完全接受總理所付托之主義與責任者也。

一年以來，我總理更奮其全力，督勵同志，與帝國主義之強暴戰，與帝國主義所嗾使掩護之反革命的惡魔戰；且努力從事於革命主義之教育，屢次發表反帝國主義及軍閥之宣言，講述三民主義之理論，制定建國大綱；期吾黨同志，於嚴格的教育及訓練之下，成爲組織國民革命之人才。且以此人才爲中心，投入於民衆之中，而造成真正民衆之政黨，以促革命的建設事業之進行。故當要求推翻曹吳之時，我總理則發表宣言，其主要之意義，以爲：『國民革命之目的，在造成獨立自由之國家，以掩護國家及民衆之利益。此種目的，與帝國主義欲使中國永爲其殖民地者，絕對不能相容。十三年來，軍閥自身，有新陳之

代謝，而其性質作用，則自袁世凱以至曹琨吳佩孚，如出一轍。故北伐之目的，不僅在覆滅曹吳，尤在曹吳覆滅之後，永無同樣繼起之人，換言之，北伐之目的，不僅在推翻軍閥尤在軍閥所賴以生存之帝國主義。』在曹吳既倒之後，我總理認此爲和平統一之良好機會，毅然北上：一則對於一致顛覆曹吳之友軍，實踐前約，冀與之輸誠相見，以圖實現國家所必須之各種具體的條件，即吾黨所要求最小限之度政綱，以爲實行三民主義之初步；一則爲宣傳本黨主義于北方民衆，以圖全國民衆一致結合于國民革命旗幟之下，完成統一的革命事業之工作。而開國民會議及廢除不平等條約二者，則尤爲最顯明切近之目標。蓋惟民國之政權，操之於國民自身，乃有和平統一之可言。亦惟恢復民族平等，國家獨立，然後國民革命之目的，乃得以掃除障礙而活潑進行也。故我總理嘗北上之時，又發表嚴重之宣言，於詳述吾國家及民衆真正需要後，更以至仁慈懇懇之意，吾友軍將士及同志曰：『帝國主義之援助，終不敵國民之覺悟。帝國主義者惟能乘吾國民之未覺悟以求逞，軍閥亦惟能乘吾國民之未覺悟，以得志於一時；卒之未有不爲國民覺悟之所屈伏者，願我友軍將士暨我同志於勞告功高之餘一念及之也。今日以後，當劃一國民革命之新時代，使武力與帝國主義結合之現象，永絕跡於國內。其代之而興之現象：第一步使武力與國民結合；第二步使武力爲國民之武力。國民革命，必于此時，乃告厥成功。』我總理統帥吾黨同志爲國家及民衆利益而奮鬥之實際，當由此兩次宣言明白表示於國民之前矣。

我總理北上之目的，于上述的理論及事實之外，更決意于完全直接宣布其意思于北方

民衆，及與北方友軍將士暨吾同志輸誠相見之後，即親赴世界各國，爲廣大宣傳，與以平等待我之民族相結合，共同奮鬥，以達被壓迫民族一齊解放之宏願。蓋顛覆世界的帝國主義之強暴與解放世界被壓迫之民族，此一大目的，非由被壓迫民族之一致團結，不能達最圓滿之目的也。

我總理抱此偉大之主義，努力奮鬥者四十年，今更負此偉大之實行任務而北上。乃以多年爲我國及全世界被壓迫民族奮鬥而損及健康之故，甫到津門而疾作，到京而病篤，終遺留此偉大之主義及偉大之實行任務而長逝。嗚呼！樹欲靜而風不息，我全國國民及全世界被壓迫民衆之悲痛爲何如耶！

我總理當危篤之時，以遺囑指示吾國民政治奮鬥之途徑，其言曰：『余致力於國民革命，凡四十年，其目的在求中國之自由平等。積十年之經驗，深知欲達此目的，必須喚起民衆及聯合世界上以平等待我之民族，共同奮鬥。現在革命尙未成功，凡我同志，務須依照余所著建國方略，建國大綱，三民主義，及第一次全國代表大會宣言，繼續努力，以求貫徹。最近主張開國民會議及廢除不平等條約，尤須於最短期間，促其實現。是所致囑。』吾人今日唯一之責任，則在完全接受我總理之遺囑。自今以後，同德同心，盡吾人之全力，犧牲一切自由及權利，努力爲民族平等國家獨立而奮鬥，以繼續總理未竟之志，我中華民國之國民，凡能接受我總理之主義政綱以從事於國民革命之工作，而爲國家及民衆謀福利者，皆爲吾人所敬愛之同志。吾人誓以至誠，與之結合，以共同致力於革命的建設。

事業之實現。反之，凡持續反革命的行動，受帝國主義的列強之嗾使及掩護，以阻碍國民革命之進行者，皆爲吾人之敵。吾人爲國家之獨立自由與民衆之福利，則不恤犧牲吾人之一切而與之抗爭。若夫全世界之國家及民族，凡能尊重我民族之平等與國家之獨立者，皆爲中華民國親善之友。反之則爲我國家之敵。吾人必盡最善之努力，以至明顯堅決之精神，決擇吾國民應由之道。關於目前時局之主張，吾人則完全準據十一月十三日我總理最後之宣言，以從事於政治奮鬥。而遺囑所命吾人於最短期間，實現開國民會議及廢除不平等條約之二大目的，爲吾人努力之第一程序，更不待論矣。

至於吾黨之組織，吾人惟以嚴格之規律的精神，一遵總理之遺教。第一次全國代表大會，制定總章第十九條曰：「本黨以創行三民主義五權憲法之孫先生爲總理，」此明示吾人今後之組織，雖爲民主的集權制，然除全體黨員正式投票選舉代表而投票選舉之中央執行委員，組織中央執行委員會，任執行之責外，不能更有總理。吾黨全體一致，奉行我總理之遺教，不得有所特創，蓋中華民國之獨立與自由，惟有全完繼承中華民國創造者本黨總理孫先生之意志，爲能實現耳。

本中央執行委員會，當此重大之時機，謹以全體一致之堅強意志，鄭重宣言如此：惟全國國民及世界民衆，實昭鑒之。

(十四，五，二十。)

## 對北京臨時執政府進行修改不平等條約之宣言

自帝國主義侵入中國以來，以種種不平等條約束縛中國，使失其平等獨立自由。本黨不忍中國之淪於次殖民地，故倡導國民革命，以與帝國主義者奮鬥。而廢除不平等條約，即為奮鬥之第一目標。本黨總理孫先生，畢生努力於此。去歲北上，即以廢除不平等條約為與北京臨時執政合作條件。蓋深知廢除不平等條約，必須國民革命之勢力，已能建設統一全國之政府，然後得見之實行。故對於北京臨時執政，不能不以此合作條件為嚴重之提出。無如北京臨時執政，方熱中於外交團之承認，至不恤以尊重不平等條約為交換；以致先總理不能與之合作，以謀全國統一之進行。而廢除不平等條約之主張，亦為之擱置，此可為太息痛恨者。自先總理逝世後，帝國主義者益肆無忌憚，遂有五月三十日上海之慘殺事件；而青島、漢口、九江、相類事件，亦絡繹而至。本黨鑒於時局，謀申先總理未竟之志；故於六月二十二日發表宣言，主張全體國民，應一致督責北京臨時執政，迅速宣布取消不平等條約，仿照前年中俄協定之例，另與各國重訂雙方平等互尊重主權之條約。翌日而廣州沙面慘殺事件復作，其慘酷情形，較之上海等處，更有過之，愈足證明廢除不平等條約，為刻不容緩。乃頃見北京臨時執政，於二十五日致北京外交團之通牒，以修正條約為請。自表面言之，北京臨時執政，似已知廢除不平等條約，為國民革命運動大勢所趨，不能復抗；故不得不降心相從。而按之實際，則大謬不然。蓋我國之請求各國同意於修改條



約屢矣，民國八年，在巴黎和會，曾一度提出，遭和會之拒絕。民國十年，在華盛頓會議，又爲一度提出，遭會議之延宕。不特於不平等條約之根本廢除，毫無結果；即枝節問題之關稅增加會議，亦延宕至今。前事具在，所謂請求修改，結果如何，不難逆睹。北京臨時執政之出此，寧不知與虎謀皮，爲事至愚。特有見於廢除不平等條約爲國民一致主張，故迫而出此下策；一方順從民意，實則延宕國民革命之進行；一方似改革外交方針，實則爲帝國主義者謀迴旋之餘地。對於廢除不平等條約之主張，不復敢公然違反，而惟以支吾脫卸之伎倆，使消失於無形。其胆則怯，其謀則詐。惟廢除與請求修改，截然二事，國民必不致爲此似是而非之舉動所惑。則北京臨時執政之出此，正與前清滿洲政府，欲以僞立憲抵制革命，同一心勞日拙而已。本黨茲者鄭重宣言：對於不平等條約，應宣布廢除，不應以請求修改爲搪塞之具。凡我國民，鑒於目前境遇，灼然於帝國主義之窮凶極惡，中國人民所受痛深創巨，宜一致擁護本黨所主張，務使即時實現。或者以爲條約爲雙方同意所締結，非雙方同意，不能變更。不知所謂不平等條約，皆從前滿洲政府及民國以後之軍閥政府所締結，何嘗得中國人民之同意？且南京、天津、北京、諸條約，爲一切不平等條約之中堅樞紐。南京條約成立于一八四二年，天津條約成立于一八五八年，北京條約成立于一八六十年，距今遠者已八十餘年，近者亦六十餘年。時移勢易，豈能至今日而仍適用？考之國際歷史，凡成立條約，必以事實不變爲默認要素；倘締約國情狀有根本之變更，則可取消前約。例如一八七八年，俄國取消柏林條約第五十九款；一九〇八年，奧匈國取消

柏林條約第二十五款；布爾加利亞國取消柏林條約第一款；是已。廢除條約，在國際上已有成例；况我國所受不平等條約之束縛；較之以上所述，其關係重大，不啻倍蓰，我國民豈能長此忍受？我國以受不平等條約束縛之故，至於政治上經濟上均陷於次殖民地之境遇；則努力于解除此等束縛，實爲我國民對於國家應盡之義務，同時對於世界應得之權利。若不知以自決解除束縛，而惟仰首以待帝國主義者之加以寬釋，古人有言：『俟河之清，人壽幾何？』願我國民深念此言。毋以北京臨時執政有請求修改條約之通牒，而寬其督責；致廢除不平等條約之進行，又受頓挫；中國民族解放之機，悉繫于此。特此宣言。中國國民黨中央執行委員會。中華民國十四年六月廿八日。

## 中華民國國民政府宣言

先大元帥逝世之後，全國政治上，軍事上，喪失唯一之統率指導者。中國國民黨既以至誠接受先大元帥之遺囑，以繼續努力于國民革命；同時復於政治上軍上、謀適宜之組織，期于集中同志之心力，以共同負荷先大元帥所付託而貫徹國民革命之志事，爰有國民政府之組織。

國民政府於成立之始，敢敬謹昭告於吾同志暨吾國民：國民政府之唯一職責，即在履行先大元帥之遺囑，凡遺囑所丁寧告語者，即國民政府所悉力以赴而期其實現者。國民革命之最大目的，在致中國於獨立平等自由；故其最先著手，即在廢除不平等條約。先大元帥以畢生心力，盡瘁於此，無論所遇若何困難，曾不少撓其志。而凡倚賴帝國主義以齟齬國民革命者，雖暫得跳梁於一時，終必為國民革命之勢力所摧鋤以去。民國以來，自袁世凱以至曹琨，其失敗之跡，如出一轍，先大元帥去歲北上之際，欲自此以後，永無倚賴帝國主義以倚託國民革命之人；故主張以廢除不平等條約為統一之條件。蓋惟廢除不平等條約，然後可以言統一；非是，則無統一之可能也。先大元帥雖齎志以沒，而其所主張則無時不顯其効力；凡違背此主張者，終必為國民所唯棄。證之近事：陳炯明楊希閔劉震寰之徒，其始皆嘗隸於先大元帥旗幟之下，及中道畔去，欲脫離國民革命而依附帝國主義以求自存，則皆不旋踵而敗亡。而自五月三十日以來，上海漢口等處反抗帝國主義之運動日以

劇烈，帝國主義者雖欲與其暴力抑國民革命方新之氣，而自保其殘喘，曾不知適足以自暴其罪惡促其滅亡。六月二十三日廣州沙面慘殺事件，尤足使此等徵象，更爲明顯。故中國國民黨六月二十二日及二十八日，關於立即廢除不平等條約之宣言，實爲仰體先大元帥之遺志；而激勵國民革命之進行，國民政府之對外方針，必受成於此而不少變。

先大元帥既提倡廢除不平等條約，同時復發起國民會議以爲議決執行之樞機。蓋中國之主權，久已操於帝國主義及依附帝國主義以求生存之軍閥之手；開國民會議，即欲自帝國主義及軍閥之手中，收已失之主權，而還之國民，以符主權在民之旨。且帝國主義及軍閥所加於國民之苦痛，惟國民知之最深，去之之念亦最切；故廢除不平等條約之實行，不能不有所望於國民會議也。國民會議，雖爲北京臨時執政者所阻撓；然國民若能以自動的集會而行使其職權，則國民政府必盡其力所能至，以爲種種之保障。此則中國國民黨既有宣言於前，國民政府必將履行之而不敢辭者也。

於此尙有言者，比年以來，喪亂頻仍，中國國民黨之黨綱及政策，往往受環境之挾制而不能實施。目擊人民之痛苦顛連而不能救；驕兵悍將橫行跋扈而不能去；貪官污吏因緣爲姦利而不能懲；此皆同志所引爲深疚者。故夙夜黽勉，思所以掃除障礙，俾得著手於建設。最近東江及近郊兩役，肘腋之患稍得清除，決當乘此時會，以從事於政治軍事之整理。然國民革命前途之障礙，往往伴國民革命之進步而發生。惟建設之念愈切，則從事於掃除，愈不容懈；終必舉一切障礙摧陷廓清之，使國民革命之進行，得以活潑而無所濡滯。

願我國民，深念：今日孰爲能代表國民利益者。孰爲能爲國民利益而奮鬥者？對於國民政府，務有以督責而維護之，是所望也。國民政府委員汪兆銘胡漢民譚延闓許崇智林森廖仲愷伍朝樞古應芬朱培德孫科程潛。

中華民國十四年七月一日。

## 國民政府軍事委員會告諸將士（十四，七，九）

國民政府軍事委員會，於成立之始，謹布腹心，以告於我相從患難同甘苦共生死之諸將士！

我諸將士追隨先大元帥，爲國民革命而奮鬥，暴露行間，凡十餘年。裹糧轉戰，歷數千里。其共同唯一之目的，在致中國於自由，獨立，平等，以完成國民革命。

先大元帥雖未及身親國民革命之完全成功，然其精神，已普及於全國人民心目之間。國民革命之日躋於完全成功，決無有能禦之者。且先大元帥於彌留之際，已將生平屬望之事業，付託於所手創之中國國民黨使負其責任。故國民政府，依於中國國民黨之決議而發生。國民政府內之政事機關，軍事機關，皆受中國國民黨之指導及監督，以執行其職務。此爲繼承先大元帥之遺志，努力於國民革命之完全成功所必由之塗術也。

國民革命之目的，在求中國之自由，獨立，平等。故抵抗帝國主義，實爲國民革命最大之使命，以軍人禦侮之義言之，一切努力，尤當集中於此。吾人試一念及鴉片戰爭以來，中國之國際地位，未有不激昂奮發，臥薪嘗胆，誓爲中國一雪此恥者。願吾人既欲抵抗帝國主義，則不可不同時擊破國內一切帝國主義之工具。民國以前，滿洲政府自帝國主義者之手，接受不平等條約之桎梏，以加於中國人民之身，民國以後，自袁世凱以至曹琨，佩孚，吳皆攀附帝國主義，藉其資助，以便私圖，較之滿洲政府，變本加厲。故雖受國民

之唾棄，仍能保其軍閥之勢力，以憑陵於北方。且不恤以賣國所得，對於各省爲摧殘異己之具。十餘年來，吾人直接與此等軍閥戰，實間接與帝國主義戰。以此等軍閥實爲帝國有義之工具也。然帝國主義之詐術與暴力，終不能敵國民革命之正義的勢力，故自袁世凱以至曹琨，吳佩孚，莫不次第歸於覆滅。去歲冬間，國民軍樹義於北方，先大元帥因之北上，宣言此戰之目的；不僅在覆滅曹吳；尤在曹吳覆滅之後，永無同樣繼起之人。不幸張作霖已於此時繼曹吳之後，以爲帝國主義之工具；而段祺瑞依違其間，復爲張作霖之工具。雖以先大元帥之至誠惻怛，終不能動其迴心向善之念，以至於齊志以歿。最近段祺瑞修正不平等條約之要求，在國民視之，已以爲無廢除不平等條約之誠意，而張作霖尙以爲不足以承帝國主義之歡而拂其意。凡我軍人，於此當知國難之未已，國民革命前途之有待於努力，不能一刻寬其責任者也。

上述軍閥既甘以帝國主義之工具自居，而各省軍人向立於國民革命旗幟之下者，亦往往爲軍閥所誘惑中萌叛志，效其所爲，甚至依附之以求生存，以致引起各省內部之糾紛。其結果小者藉聯省自治之名以行割據；大者且公然對革命政府以行叛逆；國民革命之進行，爲之阻碍，而徒貽各省人民以無量數之苦痛。綜計十餘年來，各省亂事，由於敵人攻入者少；由於內潰者多，其可爲太息痛恨者！當此之際，惟賴我純粹同志軍人，始終一節，以掃除內部之蠱賊，不使國民革命之旗幟，爲少數叛徒所掩蔽。且不使得假藉以行惡，有如最近東江掃除叛亂之役；及廣州近郊清除反側之役，皆我純粹同志軍人相與努力。對內

肅清國民革命之反動份子，即所以對外而嚴整國民革命之壁壘；以統一其進行，以期無負先大元帥彌留時之所屬望者也。

由此可知，吾同志軍人，須在國民革命旗幟之下一致團結，反對帝國主義，而同時須擊破一切帝國主義之工具。惟吾同志之軍人，若欲擔當此大任，則不可不深念先大元帥去歲北上之宣言，所謂第一步使武力與人民相結合；第二步使武力為人民之武力。蓋革命之意義，不外為人民求幸福，故能為人民求幸福者，謂之革命；反之則為反革命。凡我將士，必能於與人民結合之旨，身體而力行之，然後能立於國民革命旗幟之下而無愧也。

軍事委員會，今日接受中國國民黨之決議而就職，率我將士在先大元帥遺像之前，聽受遺囑而宣誓，盡忠於職務。嗚呼！先大元帥之靈，如在其上，諸先烈為主義而犧牲之血光，照耀如在其左右。凡我將士，其念之毋忽！

中華民國十四年七月六日

軍事委員汪兆銘胡漢民伍朝樞廖仲愷朱培德譚延闓許崇智蔣中正



## 中國國民黨關於國民會議豫備會議之宣言（十四，七，九）

自五月月杪以來，青島，上海，九江，漢口，廣州，等處慘殺事件，絡繹不絕。此等慘殺事件，實足使帝國主義之真相完全暴露；而全國人民對於帝國主義之認識，亦愈以明瞭；隨而反抗之熱度，亦愈以增漲。帝國主義繼續施行此等滅絕人道舉動之後，仍悍然自若，不担負毫末之責任；且以爲亦無人能使之擔負。而全國人民，對此等滅絕人道之舉動，痛憤之餘，士罷學。商罷市，工罷工，以爲一致之抵抗。其堅忍力不爲不固，其堅持力亦不爲不強；然不能課施行慘殺者以應有之責任，且亦不能對於此等慘殺事件，爲根本之解決，如所謂廢除不平等條約者；日復一日，此等慘殺事件，必至冤沈海底，將何以慰關於此事之犧牲者？亦何以爲民國及國民生命之將來的保障。帝國主義者，謂吾國人，不曰一盤散沙，即曰五分鐘熱度。夫熱度之激進由於感情，而感情之持久，由於組織、果使國民有偉大縝密之組織，以容納此激昂奮發之感情，敢決其必能歷久而不敝，且益趨於展拓。今日國民對於慘殺事件，創鉅痛深，不患無強烈之感情，而患無與之適應之組織以集中國民人民之智力。國民於此，不可不迴溯本黨總理孫先生去歲十一月十三日之宣言。本黨總理孫先生主張以廢除不平等條約，爲國民革命之先著；而以國民會議爲議決執行廢除不平等條約之主體。假使當日孫先生之主張而能實現，則早已有集中國民智力之組織，以爲內政外交之衝；廢除不平等條約，當早已見諸實行。五月月杪以來之慘殺事件，何自而起？

即使帝國主義者，蘊其毒謀，乘間竊發，而此時早已有全國一致之國民會議，以為最高指導者，何致任令北京臨時執政，依違於帝國主義者與國民之間，而莫知所適從？亦何致任令一般民衆徒抱狂熱而不能得一集中之組織，以發展其意力？國民於此，不可不念本黨總理孫先生先見之明。今者，北京臨時執政關於外交方面，鑒於全國民衆之督責，與國民軍之催促，已能不顧奉天軍閥張作霖之掣肘，而提出修正不平等條約之要求。雖修正云云，於廢除不平等條約之主張，不能澈底；然北京臨時執政，當已覺悟去歲十二月間以尊重不平等條約抵制廢除不平等條約之錯誤；同時亦當已覺悟今年一月間以善後會議抵制國民會議預備會議之錯誤；則對於國民會議預備會議之主張，當不復如前之深閉固拒。藉使不然，全國民衆，當此存亡危急之際，亦宜自決，不可一誤再誤，以窒礙國民革命之進行。本黨茲鄭重決議如下：（一）國民自動的開國民會議預備會議於北京，開會日期為今年八月一日。（二）國民會議預備會議之構成分子，完全依照本黨總理孫先生去歲十一月十三日宣言所開列者。（三）在國民會議預備會議中，接收上海，青島，九江，漢口，廣州，各處人民之要求及全國人民之要求，使人民意思得充分表見；並共同討論計劃一切進行方針。（四）在國民會議預備會議中，決議廢除不平等條約，及審議其實行方法。本黨認此為現在時局最近迫切之需要，亦即解決現在時局之不二法門。國民如欲推倒帝國主義之勢力，滿洗五月月杪以來之痛苦與屈辱，致中國于平等獨立自由，本主權在民之旨以定國是而靖國難；則必能採納本黨所主張，而使之實現，謹此宣言。

中國國民黨中央執行委員會

## 國民政府告各國人民書

無論那個留心遠東時事的，必能察覺中國反對他現時國際地位的民衆運動，已日益發展。然而你們不免受人朦蔽，致信爲這種運動，是因失意份子受外來煽惑的影響而起。老實說；你們在這不僅對中國四萬萬人民幸福有關，并與你們政治經濟利益有關之問題上，受人欺瞞過了。不知覺地漸漸地這問題將影響於世界之和平，一齣新的世界廣大的慘劇，又將重演於太平洋上。那時雖欲止其爆發，恐已不及。這問題是什麼呢？就是中國人民已很痛苦地感覺到中國不是如日，俄，英，法，意，美，等同樣的獨立國，甚至還不是一殖民地如印度，高麗，一樣受一國之統治！中國正是中山先生所稱爲公共殖民地，受庚子條款簽字各國之統治，我們說『統治』，并沒有一點言過其實之處，下述各種事定，可以完全證明。

自從鴉片戰爭以來，一個黑暗時期開始于中國。在這時期中，列強以一聯串的條約加之于中國；這些條約阻碍中國經濟與政治的發展。我國人民的一部份覺悟份子，已了解這些條約爲不平等的，非正義的，與無人道的。列強利用這種在我國衰弱時，加之于我們的條約，可管理中國的一切咽喉，使其無制裁進口之可能，中國對於其關稅稅則喪失發言權。你們熟悉你們本國歷史的，定能知道關稅政策，在你們工業的發達上，佔何等重要的地位，這是各國的一種特權，一國缺少這種特權，即不能視爲獨立國。并不能有系統的經濟

發展。如果你們自己的人民，沒有外人的允許或受外國之代理人所訂章程之制裁時，即不能入自國的國境；你們對於你們的國家，作何感想？然而這樣狀況，五盛行之我國；無論何時，我們都有被關閉在我們自己的房屋之外或其內的危險，因為我們大門上的鎖鑰，是不在我們的手裏。不僅此也，我們經濟發展上的其他要塞，亦在列強手裏，近代工業與交通的發展，全靠海口；海口可與世界市場相銜接。我們海口所謂通商口岸，都操之列強之手。上海是我們的商業所經由的主要海口，是完全是外人之手。上海在中國境內，自成一國，不受中國法律，而受外國法律之統治。在我們境內的這塊外國土地內所有重要工業，都免于中國的徵稅。外人所辦理的法庭，祇顧他們自己的利益，不顧中國的利益。我們人民日夜為積疊外人資本而勞苦。但是如在他們方面稍有抗議時，即被無情的鎗砲所屠殺，有如古代羅馬人屠殺外國奴隸一樣。我們的財政，同樣受這些通商口岸的支配。因為我們的經濟生命，是在這些通商口岸，因此財政的支配權，亦就天然在此等地方了。在中國濫發紙幣，不顧我們的幸福，我們這種特殊現象，完全沒有支配力。這種不堪的情況，不僅上海存在；并在我國各地，祇要海船能到之地，都有這種情況。我們海面密布着籠籬，以致中國在自己的國中沒有出入之路。

其次就是你們所聽見的割讓領事裁判權，治外法權等等，無論那本字典，都能告訴你們這些字的字義。住在天津，奉天，北京，漢口等大城市的居民。從他們的日常的經驗，都能知道這些割讓治外法權等的真意義。我們在經濟上政治上道路，偶有一步的前進，即

有踰越外國管轄或受其管轄之慮。這割讓權從我國農村居民的莫大的後備隊中，吸收幾十萬廉價工人到租借地的工廠中去做無抵抗的奴隸，受極殘酷的剝削壓迫，至絕對的屈服，還不惜以世界上最落後部份的軍警以爲慘殺之用。

在這同一租借地上，又把那從無人道的剝削我國人民來的金錢，用之于所謂教育中國青年之事業。實則是使中國青年受惡化而墮落，因此他們可用之以進行他們剝削我國之可恨的計劃，不管他們這種教育說得怎樣人道主義，其結果則極明白即我國的一部人民墮落爲壓迫的工具。

在這些同一租借地上，賴有治外法權之憑藉，成爲我們內亂之策源地。軍閥之所以能使中國擾亂分裂，及造成不斷的內亂，都發源於這些租借地！從租借地之上，他們獲得援助與鼓勵，一切反對我們自由與反對我們人民運動的陰謀，都孕育於此。在此種陰謀之背面，都有帝國主義者，或其中國代理人在。自庚子條約強迫滿清政府接收之後，滿清政府已成爲外國帝國主義之工具。滿清既被自己人民所痛恨，遂想憑藉帝國主義或以列強互相抵制之政策，以圖自存。正因其是如此，辛亥革命能給以致命之打擊。但當其破裂後，又有無數軍閥之產生，他們互爭列強之援助，如袁世凱得列強金錢之援助，而能倡立洪憲。袁氏倒後，別的軍閥又繼之起，他們沒有一個能逃得出是帝國主義列強的工具，列強用以維持其在中國之經濟政治之地位。一個軍閥倒後，別一軍閥繼之以興。即表示某一帝國主義勢力之減弱，與又一帝國主義國之勢力膨漲。軍閥近年來在中國一般人民心目中，已

與帝國主義在中國惡勢力相結合。我們反對吳佩孚，因為我們確信他是受某帝國主義指使的代理人，他是列強能維持他們的經濟政治的特權特權。吳佩孚推翻後，張作霖代之以統治之權，他現在仍執政權，繼續忠心於其外國人主人，而忽視人民的願望。他將與他的先輩同樣的被人民所推倒，繼之而起者亦必如此結局。這種情況，對於普通的外國人，似乎很難弄明白。但是對於我國的稍有頭腦的人，都已顯然。我們確信一種混亂是由中國不平等的國際地位所致，不平等條約存在一天，中國決不能使國內澄清。因此我們要求我們的國際地位，此後應改為與其他各國平等之地位。我們人民所要求的，就是他們要能在國際關係上，與其他各國相平等，能有使主權之獨立。這包涵着治外法權經濟特權的廢除，這是屬於單方面性質的。我們要求修訂海關關稅，使中國能發展其經濟起見，採取必要的經濟政策。我們要求收回我們自己房屋的鑰匙。

不平等條約的廢除，立即可以斬除供養我們的一切禍根，而最先是我國政治經濟善後之根源。我國的軍閥，苟失其列強之憑藉，即將瓦解，於是人民才得建設真正民主主義之機會。我國疆土內外國政權的廢除，可以終止一切外國軍警，槍殺我人民之無人道及野蠻之事件。這才能有造成中國與各國間有與一切民族有利之真正合作之可能；這才可以免除在華列強競爭之事。這種競爭，再要延長數年，必將造成太平洋上的新世界大戰。

世界各國人民，不要受你們自國的少數帝國主義者的朦蔽！中國不是由煽動者，想激起反對外人的禍亂。中國民衆的興起；是因為他們有因受了一班無心肝的剝削者的委屈，

與不義所發生的深刻的感情。中國已不能再忍受這些委屈與不義，中國希望你們能主持公平！因為他確信如果你們能知道事實的真相，你們決不讓你們的政府在中國的萬惡的政策，繼續一天。你們能與我們同聲為正義之要求，這種要求，對於我們是國家獨立；而對於你們，則絕無傷害。對於你們非特無害；並對於你們的經濟事業，將有更盛之發展；世界的和平，或不至於生危險。無論如何，我們不會被我國各大城市所經受的屠殺所能滅絕的。這種屠殺，祇能刺激我們，使我們努力進行對帝國主義的解放。至于所採何種方法，則雖有先見者，亦難預言。世界各國人民，我們請求主持正義，贊助我們廢除不平等條約之惡魔之行動。國民政府外交部長胡漢民，中國廣州。

## 中國國民黨對於時局之宣言

去年十一月十三日，本黨總理孫先生北行之際，以開國民會議及廢除不平等條約，宣告天下。蓋開國民會議，在以國民革命之大任，還付於國民全體。廢除不平等條約，不但使帝國主義無所逞於中國，尤使倚賴帝國主義，以爲生存之軍閥，失其寄生之所。此正爲國民革命第一重要工作。總理北行之際，揭此二義，固在喚起國民負荷革命之大任，而對於北京臨時執政，有無誠意與本黨合作，亦以此爲試驗之資。蓋總理固嘗明白宣言，此戰目的，不僅在覆滅曹吳，尤在曹吳覆滅之後，永無同樣繼起之人。又嘗明白宣言，此戰目的，不僅在推倒軍閥；尤在推倒軍閥所賴以生存之帝國主義。北京臨時執政于民國九年秋間，直皖戰爭失敗以後，其所持言論，對於軍閥與帝國主義勾結爲患之國內現象，雖似已有所覺悟，而坐言起行，不能不屬望于就任臨時執政之時。總理既懷與人爲善之誠，躬自北行，與之商決國事。倘使北京臨時執政肯以誠意與本黨合作，接受總理所提倡之開國民會議及廢除不平等條約，兩大原則，本黨敢信不但中國之政治的統一，早已實現；而國民革命進步，亦必以一日千里之勢，克底于成。無如總理方提倡廢除不平等條約，而北京臨時執政，則甘受駐京外交團之釣餌，以尊重不平等條約爲承認臨時執政之交換條件，置國民對於不平等條約之解放要求于不顧，且不恤以之爲個人地位之犧牲。總理方提倡開國民會議，而北京臨時執政，則以善後會議爲號召。雖經總理竭誠開導，但期于善後會議中



，能容納人民職業團體代表，俾人民得于會議表現意思，貫徹主張，則不恤舍棄預備會議之名稱，以贊同善後會議。而北京臨時執政，悍然不顧，僅置不完備之人民職業團體代表于專門委員之列，不予以表決權。結果人民對於善後會議，竟無權參與，惟聽少數軍閥政客自由處分。凡此二者，與總理北行之目的，大相刺謬！本黨認北京臨時執政，仍不外蹈襲歷來北洋軍閥之蹊徑，與國民利益相背馳；而惟知依附帝國主義，以求生存。決無與本黨携手進行國民革命之可能。故決議本黨黨員，不參加善後會議；且警告北京臨時執政，勿再以善後會議製造國民代表會議，以重罪惡，而北京臨時執政，則于善後會議閉幕之後，仍從事于國民代表會議之進行，且于此期間，肆意與帝國主義相勾結。最近于北京學生舉行國恥紀念之際，嗾使警察，橫加干涉，多所殺傷，其以帝國主義之鷹犬自居，尤有目共見。其他斷送權利之事，尤不勝枚舉！本黨至此，不得不鄭重宣言，本黨與北京臨時執政之合作，已完全絕望！此後本黨惟有竭其能力，爲國民革命而奮鬥。至于奮鬥之第一目標，在根據總理遺囑，開國民會議，及廢除不平等條約，須于最短期間，促其實現。而奮鬥之方法，總理于遺囑中，亦已明示：須喚起民衆，及聯合世界上以平等待我之民族，共同奮鬥。蓋今日中國之民衆，在帝國主義與軍閥兩重壓迫之下，而尤以農夫工人所受壓迫爲尤甚。爲解除此等壓迫及恢復國民權利計，不得不一致結合全國民衆，應認識本黨之使命。在爲民衆利益而努力，相與奮起，以集于三民主義旗幟之下，以完成國民革命之工作。至于現在世界上以平等待我之民族，惟始克當此稱。去歲本黨對于中俄協定，已表示此

意見，一方取消歷來中俄間所締結之不平等條約，重訂雙方平等互尊重主權之條約；一方扶助中國民衆，從事于廢除一切不平等條約之運動。既以其革命之力，打破前俄帝國之帝國主義，復聯合世界上被壓逼之民族，共同打破一切之帝國主義，總理遺囑所指世界上以平等待我之民族，証之總理臨終致中央執行委員會書，可以灼見而無疑。本黨對於革命先進之蘇聯，樂與携手，爲打破一切帝國主義之工作，以完成國民革命。至于其他各國，苟以平等待我者，則我必以親善報之，蓋惟平等乃可言親善，不平等則無親善之可言也。

於此，尙有言者；中國之內亂，由倚賴帝國主義以爲生存之軍閥所造成。本黨前此已歷舉爲國民告。軍閥之大者把持中央政柄，藉統一之名義，以迷惑國人。軍閥之小者，割據地方，藉聯省自治之名義，以迷惑國人。其名義雖不同，其爲造成內亂則一！本黨向持根本解決之旨，對於把持中央之大軍閥，從事撻伐；其割據地方之小軍閥，有敢憑陵自恣，及窺伺革命政府根據地，受帝國主義之嗾使，以圖倡亂者，本黨必聯合國民痛擊之，毋使得逞。蓋凡有爲國民革命之梗者，則必爲本黨所不容，所無俟煩言者也。

本黨根據總理遺囑，對於時局，決定進行方針如此，謹此宣言。

## 國民黨整飭軍隊決議案

日前本會發表宣言，以廣東爲革命政府根據地，僅茲東江戰事已平，亟應及時整頓內部。茲更根據宣言對於整頓內部之條件議決如下：整理內部，當從整理軍隊入手。十二年以來，廣東以內，戰事頻仍，致無整理軍隊之餘暇；於是軍隊各自爲政，雖有最高軍事機關，形同虛設。軍隊更以餉源爲藉口，對於地方政事，肆行干涉，用入行政之權，掠奪殆盡。同時對於財政機關，亦各以其勢力所及，爭先佔據。由是行政經費教育經費等等，悉被吞蝕，全省政務，盡歸停滯。民政財政諸機關，不但仰承鼻息，且至虛有其名。其影響及於人民者，生命財產失其保障；交通梗塞；市廛彫敝；工失其業；農失其事；凡此苦痛，擢髮難盡！夫以廣東爲革命根據地，而其一切現象，無不與革命之主義及政策相反，痛心之事，孰過於此！故整理軍隊實爲整理一切之先著。其整理軍隊之方法，最少限度，列舉於下：（一）軍令統一；嚴禁軍隊各自爲政之習。（二）民政統一；嚴禁軍隊干涉入行政之習。（三）財政統一；及軍需獨立，嚴禁軍隊分割及霸佔財政之習。（四）所有軍隊悉須經政治訓練，使成爲有主義有紀律的革命軍隊。以上四者，若能實現，則軍令機關得收整齊統一之效；而民政機關，亦得回復自由，以行使職權，在軍隊一方面，可日益精純；在人民一方面，可保其安寧。然後其他一切整理計畫，始得有實施之機會，而本黨主義及政策始得實現之可能。爲使以上四項，能迅速實行，不落空談，則對於實行不能不有確實之，

保障。政府于此，應有決心，並預備實力，對於抗令者，與以嚴厲之裁制；對於陽奉陰違者，與以嚴厲之懲罰；務使此等最少限度，于最短期間充分實現。同時各黨部當從種種方面，努力以爲政府之援助。目前最要之圖，無過於此。茲經本會議決，相應函達，務祈察納施行爲荷！此致代行大元帥職權胡，中國國民黨中央行執委員會。

### 『附政府接受本案宣言』

自十年陳逆叛國，義師東旋，其時南路小醜，尙復跳梁；東江餘孽，依然負固。師行所至，或因軍事之便，擇要駐防；或因運輸之艱，隨地給養。充其流弊，凡軍隊所駐之地，動輒干涉行政，霸佔收入；苛雜病民之稅，任意徵收；國家行政機關，反同廢置。強徵民役，斥逐長官；甚至閉阻交通，梗塞航路。人民之生命失其保障，政府之命令等於弁髦。彼人民忍一時之痛供革命以重大之犧牲，而政府未嘗不夙夜疚心，時思所以補救之道。祇以時當軍事倥匆之候，一俟收束，再當爲正本清源之謀。今則東江已告肅清，政府實責無旁貸。須知本政府爲革命之政府，斷無縱容少數僉壬，假革命之旗幟，爲虐民之行爲。更不能坐視朝三暮四之軍人，陽藉扶翊之名，陰行寇盜之實。而此次從義諸將士，類皆久從先大元帥，服膺主義，致力革命；頻年轉戰，屢建殊勳。雖經前此混戰之局，間有不得已之臨時措施；然政府之畧迹原情，亦知諸將士與政府同具有懷莫白之痛。但現在餘寇殄滅，正當從事於建設之途；政府方在力謀刷新之期，會亦應有相當之覺悟。要知擁護革命政府，斷不能徒託空言；苟不見之實行

，決不能有裨大局。夫軍政不統一，微論平時給養，人自爲謀，易釀傾軋之風。一遇有事，軍各爲戰，適足以促成自殺之道。而且命令雜出，訓練困難，人民苦軍隊之橫行，盜賊冒軍隊以劫掠。在政府則失威信，在軍人則失令名自保不能；違言革命。政府爲完成政治之訓練，對於軍政不能不力求統一者一；革命政府之本旨，首在完成三民主義之實現。自軍興以後，政出多門；軍隊所駐，儼同封殖。對於地方長官，或以意氣爲轉移；或以豪猾爲充數；中多不明主義，厚自斂民；既無政績攷成，又復不聽命令。政府無下達之力，人民失上叩之途，不獨與革命主旨大相懸殊，即推之萬國亦無此等政象。政府爲完成主義之實施對於民政不能不力求統一者二。粵東歲收，垂五千萬，養軍行政，本至裕如。今則一物數抽，輕微皆稅；司農轉有仰屋之嘆，兵士時有枵腹之憂。此皆財政乏統一之方，所以預算失其調劑之効；脈絡一滯，全部盡僵。司法間有執法以資維持，教育則直束手以待破產。在割地自霸者，固可擁肥自甘；而在被壓迫之人民，則蒙隱痛，無以昭雪。政府爲完成建設之大業，對於財政不能不力求統一者三。然綜核三端，尤以整飭軍隊爲最要，政府自十二年以至今日，無日不以革命福利國民自期，亦無日不以實行三民主義以與革命人民及諸將士同勗。今則衡諸施設，無不柄鑿，反躬自省，寧不疚懷，身隸統一旗幟之下，而迹類分封；名受革命政府指揮，而形同割據。長此寬縱，則是無政府；尙復姑息，則是無革命，明知忍痛，而人民之疾苦不可不除。不下決心，則蠱賊之滋蔓將不可殺。本政府爲上慰先大元

帥在天之靈，下慰人民嗚嗚向治之望，茲謹完全接受國民黨整飭軍隊決議案，自後於最短時間，力求軍民財政之統一。對於抗令者，予以嚴厲之制裁；對於陽奉陰違者，予以嚴厲之懲罰。凡力所能至，決心以行。苟利國家，義無姑縱。尙望各界人民，從義將士，以實力擁護政府，完此大功！各本良知，躬行實踐，敢告有衆，鄭重宣言。大本營總參議代行大元帥職權兼廣東省長胡漢民，

## 中國國民黨主張國民自動的開國民會議預備會議之宣言

去歲十一月十三日，本黨總理孫先生北行之際，發表「對於時局之宣言」主張以國民會議爲解決時局之主體，而以預備會議產生國民會議。蓋造成中國之亂象者，實爲軍閥與帝國主義；欲撥亂而反正，惟有奪取軍閥及帝國主義所挾持之權柄，而還之於國民。此等意義，至爲深切而明顯。故自宣言發表以後，海內外各人民所組織之團體，一致響應，以函電表示贊成者，絡繹不絕。國民會議促成會，由各省人民團體，以次發起。且集合各省國民會議促成會代表開大會於北京，爲更嚴密之全國總會之組織。國民對於國民會議之熱烈主張，於此可見。乃北京臨時執政，始則以善後會議抵制預備會議；雖經總理竭誠開導，須於會中容納人民團體代表，而不之顧。繼則以國民代表會議，抵制國民會議；雖經本黨嚴重警告，勿以善後會議產生國民代表會議，而亦不之恤。于是善後會議遂爲官僚政客之集合場所，直接仰承軍閥之鼻息，間接受帝國主義之頤指氣使；與預備會議之目的，適相背馳，由善後會議所產生之國民代表會議，實有繼承擴大之性質，不徒爲軍閥及帝國主義之妝飾品，且將爲其資以爲惡之工具，與國民會議，尤不能並立。本黨于此不得不鄭重宣言；凡我國民，務宜屏絕此由善後會議所產生之國民代表會議，且阻止其成立。同時宜自動的召集國民會議，及預備會議，以真正的國民代表，爲構成份子，如總理當日宣言所舉現代實業團體，商會，教育會，大學，各省學生聯合會，工會，農會，共同反對曹吳

各軍各政黨等之代表。是以此等代表構成國民會議，然後能打破武力與帝國主義相結合之現狀，而造成武力與國民相結合之趨勢，以馴致於武力為國民之武力；中國之亂源，始得以永塞，治本始得以確立。此實為中國安危存亡所繫，凡我國民，萬不能忽視。且萬不能對於軍閥與帝國主義而容忍讓步者也。國民果能自動的召集真正的國民會議及豫備會議，本黨必以全力為之援助。本黨政府于力所能及之範圍內，必盡其能事，為之謀安全之保障，及種種便利。本黨為遵行總理遺囑計；為尊重國民權利及意思計，皆視此為當然之義務，不敢不勉。謹此宣言，凡我國民，其共鑒之。



## 中央執行委員會對段祺瑞之忠告電（十四，七月）

北京段芝泉先生鑒：去歲十一月十三日，本黨總理孫中山先生對於時局發表宣言，主張開國民會議預備會議，以廢除不平等條約，使帝國主義與軍閥之勢力，永永絕迹於中國。孫先生此種主張，為解決時局之基本方法；亦即為與執事之合作條件。當時執事方注意於憑藉奉天軍閥之勢力，以保障臨時執政地位；又注意於憑藉帝國主義之勢力，以對於奉天軍閥為一種暗示，使臨時執政地位益得以保障；故對於孫先生之主張，認為與自己利害根本衝突，於是以尊重不平等條約為抵制廢除不平等條約之具；以善後會議為抵制國民會議預備會議之具，遂使國民革命之進行為之頓挫，孫先生終至於賣志以歿！願孫先生雖死，其精神及主義，不隨以俱死！國民革命之進行，雖受一頓挫，而其再接再厲之氣勢，乃因之愈猛。事至今日，帝國主義與軍閥之本身，已不能生存。而執事之政府，乃欲憑藉之以為生存，實為大愚。執事須知五月月杪以來，各處之屠殺事件，直接固帝國主義為屠伯，間接實執事授以屠刀。苟無執事去歲冬間尊重不平等條約之表示，以益驕長傲；則帝國主義者未必一橫至此。執事近日對於北京外交團提出修正不平等條約之要求，在本黨視之，固祇一種支吾延宕之伎倆。然執事既知不平等條約之當修正。則對於去歲冬間尊重不平等條約之表示，當已覺悟其錯誤！古人有言：「亡羊補牢，猶未為晚。」本黨不欲更為既往之責備；但願執事更進一步，同情於廢除不平等條約之主張。且執事前此尊重不平等條約

，則必主張善後會議。反之執事若同情於廢除不平等條約，則必贊成國民會議預備會議。蓋前者爲獻媚於帝國主義與軍閥；後者爲反抗帝國主義與軍閥，所謂方以類聚也。國民今日爲帝國主義者所快意屠殺，發憤欲求一生路，執事對之，寧能不相憫恤？國民已發憤欲推倒帝國主義，及爲帝國主義之工具之軍閥，國民之力，已足以任之。所期於執事者，予以贊助；其至低限度，則不加以阻礙而已。執事對之，寧能終拒？頗聞執事自提出修正不平等條約之要求以後，已失奉天軍閥之歡。然軍閥之所貴，軍閥能賤之，徐世昌黎元洪之末路，皆執事所親見。論國事而斤斤於個人得喪，已甚可鄙；況卽爲個人得喪計，亦不必爲此戀戀也。執事今日對於國民之唯一責任，即在追隨國民之後，完全履行去歲十一月十三日日本黨總理孫先生所宣言：開國民會議預備會議，以議決廢除不平等條約。執事若能如此，本黨敢信國民必能忘執事之前愆，而予以晚蓋。雖失歡于軍閥，庸何傷焉！若猶襲善後會議之故智，又欲以非驢非馬之國民代表會議，爲搪塞國民會議預備會議之具，則迷途愈遠，竊爲執事不取。此本黨對於執事之最後忠告，尙祈明察。中國國民黨中央執行委員會元。

## 國民政府外交部長胡漢民告華僑書

(十四,七)

中華民國國民政府於本年七月一日正式成立於廣州。漢民不敏，忝任本政府外交部長，謹以最懇切最親愛之忱，爲我華僑同志及諸昆弟告：此次新建立之國民政府，爲中國國民黨總理孫中山先生革命精神之結晶，爲孫中山先生革命事業之遺產；亦即爲中國國民黨用以實現孫中山先生遺囑之唯一政治機關。故此新政府之獨一無二目的，即奉行孫中山先生之三民主義，以求中國之自由平等。

溯自中國國民黨在辛亥年推翻滿清，成立民國以來，孫中山先生與各同志，無日不實行三民主義五權憲法，以求建設民國；以求民國之地位，在國際上得以自由平等。乃在此十四年之中，目的迄未達到，何也？求厥原因，不外乎軍閥與帝國主義者二大障礙。此二大障礙常互相爲因，互相爲用。如北方大軍閥之袁世凱，段祺瑞，曹錕吳佩孚，輩，當秉國政時，無日不與帝國主義者互相勾結，以禍亂中國。帝國主義者以四國銀行團大借款，及參戰借款等等，供給中國軍閥，以壓迫中國人民。此種借款，徒使軍閥日富，而人民受害。故吾國民內受軍閥之摧殘，外受帝國主義者之壓迫，以致民族精神，日以衰萎；民權能力，日以剝削，至於全國人民之生計狀況，更不堪問，所以中華民國，在此十四年之中，徒有民國之名，毫無民國之實。孫中山先生因目觀此名不符實之政象，不忍手創造之中華民，被軍閥與帝國主義互相勾結以淪於滅亡。故近數年來，率領民黨同志，日以三民主

義，及打倒帝國主義之口號，喚醒四萬萬民衆。當去年推翻曹錕，吳佩孚之後，隻身北上，主張開國民會議，及廢除不平等條約，并非與北方軍閥欲有所妥協也。蓋國民會議之召集，即所以實行民權；民權之實行，將掃除國內軍閥，及廢除不平等條約；如此則帝國主義者在中國失其剝削之根據矣。夫然後國民黨之政策政綱，得以次第實現；全國人民，得安居樂業；中國之地位，在國際上得以自由平等也。乃甫抵天津，即病作，且其主張又橫被軍閥阻止，以致費志以沒。四萬萬民衆遺失其領袖與導師，而孫中山先生畢生未竟之事業，乃屬於國民黨；於是吾國民黨此後所負之責任，更加重大矣！國民黨固負此重大責任，且欲孫中山先生最近之主張，在最短期間促其實現。故當孫中山先生至北京病重之際，即肅清東江潮汕，打倒歷年與北方軍閥及帝國主義者勾結之陳炯明，打倒勾結段祺瑞唐繼堯與帝國主義者之楊希閔劉震寰，而除肘腋之患。現在內亂雖云肅清，但孫中山先生未竟之大志，尙待完成。革命政府已改組，採合議制以集全黨同志之心力，用黨治國，以決定大政進行方針。蓋必如是，然後本黨之政策政綱，方容易迅實施於中國也。

當此政府改組之際，恰逢上海，九江，漢口等處人民慘遭英日帝國主義者屠殺，廣州市工農商學各界人民大爲憤激，於是熱烈巡行，以表示對於各地慘殺案之同情。當巡行步隊經過沙基馬路，舉動非常文明，在旁觀之美德人民，均莫不讚道。乃相隔一水之沙面英法軍隊，竟無端開釁，首放步槍，繼以機關槍與大砲，打死我徒手學生與各界人民，達一百餘人，總括全國各地之慘殺案而觀之，可知在帝國主義者之欲亡我國滅我種，已迫在眉

賤。更知孫中山先生從前主張打倒帝國主義者，尤有先知之明。且由此更相信廢除不平等條約，實爲須臾不可緩之事，我國民政府外交之方針，遂不言而喻矣。

僑胞諸君，遠適異國，時時與帝國主義者相接觸，所感壓迫之痛苦，自多而且切；故愛國之心，亦真而且篤。因之在前籌據對代，輔助中山先生，排滿救國，雖犧牲身家財產，亦有所不惜。此種光榮歷史，祖國同胞，至今樂道。然及滿清推倒之後，諸君從前之犧牲，毫未得其代價報酬。此全因北京政府軍閥當國，祇圖個人私愁，不顧僑胞安危，是以諸君在外，欲回祖國，則恐受軍閥之侵凌；仍留海外，則日受帝國主義者之壓迫。此種痛苦，吾國民黨知之最深。故此次改組政府，對外方針，既定爲廢除不平等條約，對於我僑胞利益，無論歸來祖國，或仍留海外，自必盡力以維護保障之。我僑胞或向爲國民黨同志，或素仰孫中山先生主義，以及真愛祖國者，均爲此新政府之主人。對於此負有求中國自由平等之責任之公僕，自應監督而輔助之，使不平等條約得以立即廢除，帝國主義之壓迫，得以脫離。前茲贊助革命，推倒滿洲，建立民國之大業，此吾人所屬望者也。漢民身受總理孫中山先生生前付託之重，此次改組國民政府，復被任常務委員兼領外交部長之職。漢民不徒欲爲外交界開一新紀元，使國民革命早日告成；而保護海外僑胞，亦爲本政府及本外交部之責任。故當就職之始，特將新政府成立經過，與夫將來施政之方針，敬告於我僑胞諸君之前。惟中華同志同胞共鑒之。

## 中國國民黨關於接受總理遺囑之訓令（訓令第一三號）十四，七月

本黨爲總理孫先生所創立，總理創立本黨之意，在以三民主義五權憲法爲基礎，用革命的手段造成『民有』『民治』『民享』之獨立自由的國家，而使中國脫離帝國主義列強，及國內軍閥二重宰制之地位；是以本黨之目的，在於救國，本黨之黨員則皆負遵奉本黨黨義與紀律而實行救國之責任者也。當第一次全國代表大會，曾全體一致決議尊重紀律之議案；且以全體代表之深切的覺悟，確認數十年來因革命而犧牲死于民事之吾黨烈士爲恪守紀律之模範，于哀悼敬仰之中，全體起立接受本黨之紀律；此嚴肅誠敬之態度，實所以表現吾黨永久之生命者也。去年三月十六日，中央執行委員會通告第二十四號，更準據此義勉勵服務于黨政府下之本黨同志，其大意曰：

『結合多數之同志以成黨，即應集中權力于黨，以約束多數之同志；故凡屬員只有服從黨之義務，而無個人之自由。茲爲策勵各同志起見，標明三義，俾有遵循：第一，嚴守本黨主義；第二，實行本黨策畧；第三，與民衆同甘苦。』

上述三義，不僅爲黨政府下服務之同志所應遵循，凡列籍于本黨而誓爲國民革命努力之同志，實皆應確實遵循者也。

茲者國家不幸，我總理因救國奮鬪而損及健康，逝世于北京行館，凡我同志，莫不驚愕悲痛！蓋總理實爲世界之聖哲，中國之救主，而本黨同志之父師；總理于本黨目的未成

功之日，棄吾黨同志而去，實使吾黨同志失其指導統率之中心也。

雖然，『革命尙未成功，同志仍須努力』二語，及『有志竟成』之義，實我總理留示吾黨同志奮鬥之標準。總理雖沒，總理之一切遺教仍如日月之經天，江河之行地，存留于世間。吾黨同志，當茲艱危，更宜自覺其責任之重大，同德同心，以信總理之遺教者，服從黨義，各盡其自身之能力，貢獻于黨，以促進黨之行動能力，而使國民革命之偉業迅速成功，以完成吾人最高尚之道德任務；則總理雖沒，而總理之志爲不沒矣。

中央執行委員會感于我國家危險之重大，我國民及世界民衆責望之切，與總理遺囑之殷，深切覺悟我同志全體今後之責任，謹以全體一致之至誠至敬，完全接受總理遺囑所命之遺教全部，誓與同志全體切實遵行！特于五月廿四日對於全國國民及世界民衆，鄭重宣言，茲更決議下列二事：

(一)以後本黨一切政治的主張，不得與總理所著建國方略，建國大綱，三民主義，第一次全國代表大會之宣言政綱及九月十三日宣言，十一月十三日宣言之主旨相違背。凡違背上述主旨之議案，無論何級黨部，概不得決議。

全體同志更應以最善之努力，于最短期間促成開國民會議，及取消不平等條約二事。  
(二)本黨各級黨部黨團之一切會議，在開會時，須先由主席恭誦總理遺囑，會衆應全體起立肅聽。

我全體同志，應知吾黨之成立，由于創造三民主義五權憲法之總理孫先生。總理在時

總理之人格爲一切主義政綱策畧之保障；總理既沒，則保障總理之一切遺教者，惟有本黨之紀律；而信仰總理之人格，接受總理之遺教即爲紀律之基礎。自今而後，我全體同志必須以至誠至敬，『如在其上，如在其左右』之心，奉本黨之紀律，爲無形之總理；然後國民革命之偉業，乃能迅速完成，願全體同志共勉之！



## 中國國民黨關於黨的紀律之通告（通告第一四七號）十四年七月

本黨依據 總理之遺教，以革命的手段，推翻世界帝國主義與國內軍閥兩重壓迫，建設獨立自由之國家，而達到三民主義；如是則全體黨員，非有嚴明之紀律，堅固之團結不可。乃查有黨員馮自由馬素江偉藩等，于 總理在世之日，竟敢與軍閥及帝國主義者深相結納；受其金錢供其奔走，捏造蜚言，污蔑本黨。又在北京組織中國國民黨同志俱樂部，冒借本黨名義，以淆亂社會羣衆之觀聽，希圖動搖本黨之基礎。似此顯係違背黨義，破壞紀律之反革命的行動。前經本黨加以除名之處分，并否認所謂中國國民黨同志俱樂部，業經分別通告全國各級黨部在案。今再申告同志！今後切須認清本黨革命之途徑，努力前，勿受反革命者之所惑，而徘徊于歧路。至于曾被馮自由等假冒列名同志俱樂部之同志，即應速予聲明否認；其被馮自由等以欺蒙手段而列名同志俱樂部之同志，更應迅速聲明脫離；否則本黨紀律所在，自當加以制裁也。再者軍閥唐繼堯，陽假聯省自治之名，實欲遂其割據之私。我 總理在世之時，唐繼堯之逆跡未彰；故我 總理嘗北伐之時，曾授以副元帥之職，意欲勉以大義，勵其將來。不意唐繼堯絕無悔禍之萌拒絕我 總理之任命。迨 總理北上，以廢限不平等條約與召集國民會議二事，以驗北洋軍閥有無悔禍之心；乃北洋軍閥內而欺我國民，以善後會議抵制國民會議；外而結合帝國主義，以外崇國信抵制取消不平等條約。我 總理爲全國人民福利計，勢不能與之合作。乃唐逆竟于此時派遣代

表，參加善後會議，是其甘心與賣國之段祺瑞爲伍，昭然甚明。當我總理逝世，中外之人，同聲悲悼；乃唐逆乘我大喪勾結陳炯明，同時反噬，東西跳梁。尤可恨者，於此時突然宣告就副元帥之職！我總理在世之時，顯抗命以縱恣；我總理即世之後，假名義以專橫。狡詐反覆，凡有血氣，莫不髮指。因是本黨宣佈其罪狀，訓令各級黨部，並以召聯國人。乃唐逆鬼蜮成性，合作謾言，入黨詭語，四出傳播，淆亂人心。茲故不得不再爲全體黨員重申言之。須知唐逆之罪惡，與陳逆炯明同等，無復回旋之餘地。務各遵從訓令，敵愾同仇。所有與唐逆一切政治關係，皆應迅速宣告脫離。如有違反黨義，甘心與唐逆聯絡勾結者，本黨惟有執行紀律，決不寬貸！特此通告。

## 中國國民黨對於黨軍校及軍隊之訓令 (訓令第一二號) 十四年七月

本黨乃民衆勢力的本據，爲爭國家的獨立自由，和擁護民衆利益而奮鬥。在帝國主義和軍閥四面包圍中的本黨，要芟除一切反動的惡勢力，必須有最堅固的團結和經濟的戰鬥效率；所以本黨組織是民主的集權制。全體同志惟在此制之下，方能發揚最大之戰鬥能力；而嚴重之紀律，即爲革命戰鬥力之保障。第一次全國代表大會，全體一致以最堅固的意志，於誠敬嚴肅中接受紀律的決議，就是表示吾黨的精神所在。

革命軍人，負最純潔而最危險的任務，爲克服民敵，實行本黨主義而戰；其所處地位，較一班黨員爲尤重。嚴密的軍隊組織，是其戰鬥力基礎；而嚴重的軍紀，是其戰鬥力的保障。軍紀並不在黨紀之外，革命軍人負特殊的任務，所以須服從特殊的紀律之軍紀；此特殊的紀律，實由一般的紀律所產出。違背軍紀，即違背黨紀；違背黨紀，更無不違背軍紀。須知黨義黨綱，是黨紀的基礎，軍紀即黨紀的特殊表見，在革命軍人自身，非於黨紀之外，別有軍紀；而實黨紀在軍隊中，更有特別嚴重之規定耳。

本黨在總理逝世後，失却最偉大的導師，一切黨的策畧，惟有確遵總理政治遺囑，以竟總理未竟之志，而完成革命工作。本黨革命軍人，其唯一重要責任，是在具備政治的認識；而政治的認識，必以總理的遺教爲標準。革命軍的紀律，必須在正確的政治認識之下，方能行之適當。是以本黨所立之軍官學校，及黨的軍隊之中，於軍事的訓育之外，更重

政治的訓育；所有官佐學生士兵，必須一致了解政治的訓育之重要，而政治訓育，必須以總理之三民主義爲原則。共信不立，互信不生；團結不固，雖有組織，失其效用，雖有紀律，失其精神。此則尤望全體同志官佐學生士兵一致覺悟者也。茲更列舉下列數條，其嚴格遵守：

一，在軍校及軍隊中，所有一切命令，均由黨代表副署，由校長或由該管官長執行；軍中黨的決議，其執行亦須遵照此程序。

二，所有一切軍校及軍隊中之法令規則，經黨代表副署者完全有效。

三，在軍校及軍隊中。必須嚴重執行紀律，而全體同志務必互相警惕勸勉，俾趨一致，蓋防止違反紀律於未犯之先，乃同志間之道德的責任也。

## 中國國民黨關於共產黨員加入本黨之訓令（訓令第十號）十四年七月

本黨自改組以來，顯呈活潑氣象。其最重要之發展：（一）宣傳能力之增加，與宣傳事業之擴大。（二）本黨同志及全國民衆，認識本黨主義及政策的程度，均有突飛的進步；而北方民衆接受本黨主義政綱者，日益加多之事實，更足證明本黨以革命的方法，統一中國之機運已將成熟。（三）民衆受本黨之感化，其民族的，政治的，經濟的覺悟；日漸明瞭。在覺悟的農工工人中，因接受本黨主義和政綱，在本黨指導之下，其自身組織亦逐漸進步。（四）國內青年因受本黨之感化，而得一新覺悟，認識革命救國之必要，相携加入本黨，本黨得此無數的革命後繼者，前途益更光明。（五）全世界革命的民衆，一致注意本黨，認本黨爲領袖最大的被壓迫民族；而爲革命奮鬥之唯一的政黨。由以上五點，可以證明本黨在改組以後，所及於全國及世界之影響，實至多而且大！同時在黨外和黨內，有足使吾人憂慮之事實：（一）帝國主義者，因對本黨生出絕大恐怖，其直接的壓迫方法，不易普遍行使。於是造作種種誣譏與挑撥的謠言，企圖離間中國國民的結合。在帝國主義者所佔領的殖民地，及租界之內，更藉其政治之經濟的勢力，盡量傳播。一方面壓伏中國國民正確的輿論，使不易成立。大多數不了解真象的國民，因而相驚怕，有自走恐慌；國內反革命的惡勢力，更乘此國民之弱點，勾結帝國主義者，助長誣譏挑撥的謠言之傳播；於是國民對於本黨從新起一番疑慮。（二）吾黨雖有廿餘年之歷史，然過去廿年間，黨員實缺乏政治訓

育，及組織訓練；因此之故，黨員對於本黨之主義及政綱，不盡明瞭。改組以來，中央執行委員會，雖繼爲最善之努力；然以人才缺乏，及其他種種習慣，一時未能盡革之；故尙未能收嚴密的組織之效。在四圍誣讒挑撥的簸盪之中，其不明瞭本黨主義政綱和實行策畧之同志，尤易被其四圍境遇所同化。一年以來，本黨黨員中，公然敢於叛黨者如馮自由馬素江偉藩等是。此外更有極忠實於本黨之同志，因理論事實未盡明瞭之故，亦不免常發現左傾右傾之狀況。

以上五者，足以証明本黨之發展，及足使吾人憂慮之事實，此皆本黨改組後之特殊現象。本黨既努力於國民革命，凡我國民中之革命分子，自當來集於本黨旗幟之下。然因容納中國共產黨分子加入本黨之故，社會對於吾黨之疑慮，及吾黨同志間之糾紛，由是引起。前述二點，僅爲其表象，實則所以發生此疑慮紛糾之故，約可分爲五種：（一）帝國主義列強，甚明瞭國民革命不利於彼等之侵畧。及見吾黨大集革命分子，實際上足以引起帝國主義者之恐慌。（二）軍閥官僚，其視國民革命爲不利亦與帝國主義者同一眼光。革命分子之加多，即革命力量之加大。故對於共產主義者之加入吾黨，遂亦引爲莫大之恐慌。（三）迴避革命之徒，早已視革命爲畏途，而不敢涉足，對於本黨惟求得避免奮鬥，爲可得個人之小安。及見共產主義者加入吾黨，即引爲口實以達其迴避革命之目的。（四）本黨同志中，夙受帝國主義者對於俄國革命之反宣傳，自身對於本黨主義且缺乏研究，自不能瞭解共產主義與三民主義之異同；由是徬徨，疑爲變態。（五）一般社會早已先入帝國主義者所謂

「洪水猛獸」之宣傳，任何階級無不聞共產二字而却走。及見本黨納容中國共產黨分子之加入，率驚恐相顧，以為大禍之將臨。綜是五者，帝國主義與軍閥，實利用各個方面之弱點，以肆其分裂革命分子團結之陰謀。誣讒挑撥之種種，實淵源於帝國主義者與軍閥相勾連之利害。在帝國主義與軍閥原為革命之敵，其攻擊之手段，何所擇而不施。即於迴避革命之徒，亦惟有聽其自棄。但在忠實的本黨同志，未能完全瞭解國民革命之任務者，及一般社會之蒙昧未覺，本黨皆負有振發之責任。在本黨同志或因疑惑而長事紛糾，或因避免紛糾而流于消極，此皆非同志間應有之態度也。凡此狀況，當總理在時，曾經屢次剴切曉諭，說明本黨所以容納共產黨員加入之故。去年八月中央執行委員會第二次全體會議，關於此事曾有決議，其要如下：

一、現在中國處于半殖民地之下，各階級中自有力求解放中國，要求獨立，脫離帝國主義壓迫之共同傾向，中國國民黨即為代表此等階級之共同傾向，從事于國民革命運動之三民主義政黨。故凡屬一切真正的革命分子，不問其階級的屬性為何，吾黨皆應集中而包括之。

二、本黨章程規定：「凡志願接收本黨黨綱，實行本黨議決，加入本黨所轄之黨部，依時繳納黨費者，均得為本黨黨員。」故凡黨員之行動，并未違反此章程之規定者，本黨殊無干涉之必要。至于行動違反黨綱章程，不願積極從事于三民主義之革命運動，既不反對軍閥及帝國主義，又不贊助勞動平民者，則不問其思想上屬何派別，概當以本黨紀律繩

之。

三、中國共產黨，并非出于何等個人之空想，亦非勉強造作，以人力移植于中國者。中國共產黨，乃中國正在發展之工業無產階級自然的階級鬥爭所湧現之政治組織。中國共產黨之組織，既係如此；則自不能不為國際無產階級政治組織之一部。即使吾人能以人力解散現存之中國共產黨，中國無產階級，必不能隨之消滅，彼等必將另行組織，故中國國民黨對于加入本黨之共產主義者，只能問其行動是否合于國民黨主義政綱，而不問其他。因本黨無論在任何地點，任何時間，只應就本黨政綱與章程，以管理一切黨員。共產主義者之接受本黨黨綱，而加入本黨，即當視為本黨黨員以管理之。

我全體同志，讀此決議，便可明瞭中國共產黨黨員之加入中國國民黨，係為接受本黨之主義與政綱，而負責行國民革命之責任者。本黨為使國民革命迅速成功，不能拒絕任何派別之革命主義者加入。從前中國革命同盟會時代，即係如此。惟既加入本黨者，在取得本黨黨籍中，其責任與義務，完全與一般黨員無殊，此則至為重要者也。

本黨為民主的集權制之組織，但本黨之為民主的集權制，有一最高原則，即本黨乃總理孫先生所創立，總理所創行之三民主義，為本黨始終不渝的主義，而三民主義之理論與實施方針，更必須以總理自著之『三民主義』為標準。總理在時，黨員之行動，一決於總理。總理既沒，黨之行動，唯有完全取決於總理之遺教。如黨員之行動及言論，有不遵奉總理遺教者，本黨皆得一律以紀律裁制之。且以後無論何時，決不因黨員之成分不同，而動



搖本黨之最高原則，此則全體黨員所應確實信守者也。

全體同志須知我三民主義的國民革命，在世界革命史中，有特殊的歷史背景，有重大之歷史的任務。占全世界四分一的中國民族，因民族精神衰頹，而至於文化破產經濟落後，受壓迫於帝國主義的列強。中國之國民革命，既含有民族的。政治的，經濟的，多方面之意義；而綜合此種矛盾的歷史事實，於最短時期中，欲以一個統一組織的政黨，完成吾國民之歷史的任務；則包容各階級的革命分子，一致進行，實為絕對的必要。且在全世界的進行中，任何一國的革命事業，實皆為世界的革命事業之一部。離却世界革命的民衆之互助提携，絕不能完成吾人歷史的革命事業。吾國國民革命的成敗，不特為全世界四分之一中國民族存亡所關；亦實全世界被壓迫民衆之安危所繫。吾黨負此偉大之歷史的任務，且欲舉一切政治的，經濟的，矛盾同時解決之，惟有恪守總理之遺教。此外更無一最高原則，能解決橫亘於吾民族之前之一切矛盾的事實也。

第三次中央執行委員會全體會議，深切感受此責任之重大，認此為吾黨生命所在，會決議發表完全接受總理遺教，努力以求貫徹的宣言。更決議關於接受遺教的訓令，關於黨軍隊及軍校訓令。茲更鄭重決議此訓令，昭示我全體同志。

## 中國國民黨對時局宣言

去歲九月十八日，先總理出師北伐，曾鄭重宣言，謂北伐之目的，不僅在推倒軍閥，尤在推倒軍閥所賴以生存之帝國主義。蓋鑒於十三年來之國內亂象，無一不由軍閥與帝國主義互相勾結而成，故爲此拔本塞源之計。及奉直戰爭，既告終結，先總理慨然北行，於十一月十三日提出解決時局之方策，以昭告海內，謂今日以後，當劃一國民革命之新時代，使武力與帝國主義結合之現象，永絕迹於國內，其代之而興之現象，第一步使武力與國民相結合，第二步使武力爲國民之武力；而其具體之條件，則開國民會議預備會議，以消滅軍閥之勢力，廢除不平等條約以消滅帝國主義之勢力。倘使先總理此等主張而能實現，本黨敢信一年以來，中國國民革命必已得確實之進步與鞏固之基礎，有斷言者。無如先總理此種主張，乃爲段祺瑞張作霖所阻礙。張作霖惟知依附帝國主義，以擴張其軍閥勢力段祺瑞惟知依附張作霖之勢力，以圖苟存；卒使先總理齎志以歿於京師，而中國國民革命之進行，爲之頓挫，此真可爲國民痛惜者也。自是以後，張作霖益無所顧忌，對於一切國民運動，悉循其帝國主義走狗之職分，以肆其狂噬。一年以來，分遣爪牙，盤踞於北京天津，更沿津浦鐵路，以囊括山東，繼及於安徽，近且逞其毒於江浙矣。凡其武力所至之地，帝國主義之勢力，必隨以增長，而國民運動，亦必受其摧殘。證之五卅以來，全國民意，皆集矢於帝國主義；而張作霖之牙爪，於天津則摧殘罷工，於上海則壓迫工商學團

體，奪其集會言論之自由，務使屈伏於帝國主義勢力之下，凡此皆彰彰在人耳目者。此等軍閥與帝國主義勾結之現象，使人民之意思，鬱而不伸，而予驕兵，悍將，貪官，汙吏，以乘間竊發之機會，使益得爲暴於人民，以揚軍閥與帝國主義之毒箠。坐是之故，一年以來，舉國人民，遂如水益深，如火益熱。張作霖之賣國殃民既如此。而段祺瑞則生於張作霖肘腋之下，爲一己及其少數私人利益之故，不惜捐棄廉恥，以媚事張作霖。凡張作霖之頤指氣使，無不曲從，且樂於先意承志，爲之奔走。故張作霖直接爲帝國主義之走狗，而段祺瑞則間接爲帝國主義之走狗。顧其罪惡，猶不止此。今歲春初，乘先總理在京病篤，曾勾結陳炯明，林虎，葉舉，洪兆麟諸賊，跳梁東江，以謀危害廣州革命根據地。及陳炯明諸賊破滅垂盡，則又以勾結陳炯明諸賊之伎倆，勾結楊希閔劉震寰諸賊。今則又欲燃陳炯明諸賊之死灰，使再燎原於東江矣。五卅以來，青島上海九江漢口廣州諸慘案，凡有血氣，莫不痛憤。陳炯明諸賊則受帝國主義之囑使，摧殘汕頭人民之愛國運動；段祺瑞則遣北洋諸艦，窺伺我口外，以騷擾我交通獨立之計劃，以輔助香港封鎖政策之未備。由是言之，段祺瑞於北方直接爲張作霖之走狗，間接爲帝國主義之走狗；其於南方則直接爲陳炯明之走狗，間接爲帝國主義之走狗。此等罪惡，雖經念茹素，無能使之末減也。本黨政府，處此帝國主義與軍閥兩重壓迫之環境中，悉其智力，領導革命的民衆，爲不斷之奮鬥，於最短期間，肅清根本之地，遂進而問東江人民之疾苦，將使海豐等處被壓迫之農民，汕頭等處被壓迫之罷工團體，脫離軍閥與帝國主義之羈絆，於國民革命旗幟之下共同努力。

最近惠州攻克，東江已成破竹之勢，即足清本黨政府奮鬥成功之特徵矣。在此之際，長江一帶，戰事突起，大河南北亦將隨以蔓延。首禍者之一方，爲軍閥與帝國主義鈎結之勢力，已無可疑。本黨於此，必將努力使應戰者之一方，集於國民革命旗幟之下，爲國家及民衆之利益而奮鬥，使軍閥與帝國主義鈎結之勢力，歸於粉碎，使此戰事之結果，先總理去歲九月十八日北伐之宣言，及十一月十三日解決時局之宣言，能一一實現。其最低限度如左：

- 一，建設統一全國之國民政府；
- 二，此國民政府必於最短期間召集國民會議預備會議；
- 三，此國民政府必於最短期間召集國際會議對不平等條約爲根本之解決；
- 四，此國民政府必保障人民言論，結社，集會，之自由。

本黨根據以上目的，敢大聲疾呼，爲國民告，國民今日，務當奮起！以其全力擁護國民革命之勢力，以推倒軍閥與帝國主義鈎結之勢力！

中華民國十四年十月二十四日

## 國民政府致吳佩孚蕭耀南孫傳芳電

武昌吳子玉，蕭珩珊，南京孫馨遠諸公均鑒：誦諸公通電，於段祺瑞張作霖之媚外賣國，聲罪致討，良用慨然。本黨總理去歲北行，即已灼見段張之必不能脫帝國主義之羈絆，故為防患未然計，主張以開國民會議及廢除不平等條約為解決時局之方法。彼昏不知，必欲背道而馳，遂使中國人民，如水益深，如火益熱。五卅以還，外侮沓至，本黨政府，雖於主義及政策上，無與段張合作之可能，然為外交一致進行計，不恤宣言與之聯合戰線，以從事於廢除不平等條約之運動。乃段張則變本加厲，在上海等處，恣其淫威，摧殘農工運動，壓迫各界愛國運動，以取媚於帝國主義。最近復遣北洋兵艦，騷擾我沿海口岸，供帝國主義之驅使，以阻撓我交通獨立之計劃。凡此種種，實為人民之公敵，中國之罪人。諸公舉兵討之，亦固其所。惟民國以來，國內戰爭，所以未得良果，皆由於本源之地，未嘗解決，遂至以暴易暴，徒苦吾民。今諸公既知聲段張之罪而討之，則宜善用其武力，使諸公之武力與帝國主義絕緣，而與人民相結合，然後不至蹈段張之覆轍。當此國民覺悟時代，段張之必敗，已無可疑。欲使段張敗後更無與段張同樣繼起之人則不可不致力以下諸端：其一，務建設能統一全國之真正國民的政府。其二，此政府必於最短期間召集國民會議預備會議。其三，此政府必於最短期間發起國際會議，以解決不平等條約。其四，此政府必盡力保障人民集會結社言論出版之自由。以上四者，為今日國民革命之必要條件

●中國之能反抗帝國主義，以躋於平等自由，端賴於是！使此戰爭，而能得此結果，則此戰爭始為不虛。諸公果有意於此，則現時諸公武力所及之地，即當努力使軍閥與帝國主義之勢力，歸於消滅，同時對於人民之自由與以保障。庶幾以上四者，能次第實現，而不至懸為空談。諸公若能深信此言，躬行實踐，本黨政府敢信國民必為諸公之後援而本黨政府亦樂與諸公同濟艱難也。掬誠相告，惟諸公圖之，國民政府委員會歌。（十一月五日）

## 國民政府致奉軍將領電

徐州天津探投楊隣葛，姜超六，天津李芳辰諸公均鑒：去歲諸公爲段張盡力擊敗曹吳，本黨總理盱衡時局，發表宣言。謂此戰之目的，不僅在覆滅曹吳；尤在曹吳覆滅之後，永無同樣繼起之人。故主張以國民會議，剷絕軍閥之勢力；以廢除不平等條約，剷絕帝國之勢力。欲以此打破軍閥與帝國主義勾結之現狀，而樹國民革命之先聲。繼如段張此時已具決心，爲軍閥之繼承者，爲帝國主義工具之繼承者；故於本黨總理之主張，齟齬之惟恐不至，本黨總理遂奮志以歿於京師。當此之時，天下已知段張之必爲國民革命之障礙物矣。五卅以還，外侮洊至，本黨政府雖於主義及政策上無與段張合作之可能，然爲外交一致進行計，不恤宣言與之聯合戰線，以從事於廢除不平等條約之運動。乃段張則變本加厲，在上海等處恣逞淫威，摧殘農工運動，壓迫各界愛國運動，以取媚於帝國主義。最近復遣北洋兵艦騷擾我沿海口岸，供帝國主義之驅使，以阻撓我交通獨立之計畫。凡此種種，實爲自絕於中國，以爲中國人民之公敵。故浙江兵起，國之人從而和之，莫不以惟倒段張爲快。其失輿情，府衆怨，較之去歲曹吳破敗時代，猶將倍蓰過之。此理勢所宜然，無足怪者。段張之媚外賣國，其累累罪狀，不特國之人能道之，即在其敵人亦知以此爲聲罪致討之資，而因以博國人之同情。當此國民覺悟時代，段張之必敗，無可疑者。諸公身爲軍人！當知此身爲國民之公僕，非段張之家奴；當知所有之武力，應爲國家及民衆之利益

而奮鬥，不當直接爲軍閥之走狗，間接爲帝國主義之走狗，以戕賊國家及民衆之利益而奮鬥。故諸公此時不當以推護段張自任，而當以擁護國家及民衆之利益自任。其方法則在避免此無謂之戰爭，而使各方之武力皆集合於國民革命旗幟之下，爲國民革命之目的而使用。其條件如次：一，建設能統一全國之真正國民的政府；二，此政府必於最短期間召集國民會議預備會議；三，此政府必於最短期間發起國際會議，以解決不平等條約；四，此政府必盡力保障人民集會結社出版言論之自由。苟以上諸條件而能實現，則國民革命於此可開一新紀元。諸公之有造於中華民國者，至偉且大！較之爲段張效力以獲罪於國民，不可同日而語矣。惟諸公圖之。國民政府委員會歌。（十一月五日）



## 中國國民黨對關稅會議宣言

北京段政府所召集之關稅會議，純爲與帝國主義勾結圖利之一種會議，頗有擴充不平等條約之危險。中國國民黨特發宣言，一面指示人民以關稅會議之危險性質，主張在此會議中應要求關稅完全自主並討論廢除不平等條約；一面主張參列本黨政府代表，以爲北京政府之指導與監督茲將宣言列左。

北京現開關稅會議，蓋自上海慘案發生，中經漢青濤以至最後最酷之沙基慘案，中國人民對於帝國主義羣起爲一致之反抗；所以關稅會議雖早在華盛頓會議規定，然至今日始克開會者，此全由人民運動所得之結果，國民既獲此種教訓，此後對外運動，益當努力。中國爲協定關稅所束縛，垂八十餘年；在此時期，外貨輸進中國，祇值百抽五，或且不逮，而中國貨之到外國者，有值百抽二百至三百之多者，此不獨中國稅收減少；其妨碍我國農工商業之發展，關係尤大！故此大會，當要求完全關稅自主。且會議不能限於關稅，應進而及於收回領事裁判權廢除不平等條約，始克壓國民之期望。北京政府對於愛國運動，其始僅居被動地位，因緣時會，得開關稅會議。國民不能信任，縱使其開始提出條件，不背人民心理。然若虎頭蛇尾，僅增多少稅收，以供軍閥官僚之浪費，則人民愛國運動，適足爲之犧牲！且北方戰事發生，其政府本身地位，已汲汲不可終日，更何能代表國民！故此關稅會議，或由此擴充不平等條約。會議應有本黨政府代表參列，然後一方面可以

表示全國一致，一方面得以指導北京政府；俾無背乎民意。謹此宣言。我國民共鑒之。中  
國國民黨中央執行委員會。

十四年十一月十三日

## 中國國民黨對時局宣言

上年本黨總理孫中山先生，對於北伐及北上之際，均有誠摯懇切之宣言，其主要之要義，以爲北伐之目的，尤在曹吳覆滅之後，永無同樣繼起之人，以繼續反革命之勢力，換言之，即不僅在推倒曹吳，尤在推倒軍閥所賴以生存之帝國主義，必如是而後反革命之根株乃得永絕，中國乃能脫次殖民地之地位，以造成自由獨立之國家。並欲以革命政府之權力；掃蕩反革命之惡勢力，使人民得解放而謀自治。尤在對外代表國家利益，要求從新審訂一切不平等條約，以消滅帝國主義在中國之勢力。乃能令中國出於不平等之國際地位，而後國家及民衆之利益得以充分發展，此國民所共聞者也。轉瞬一年，反革命之勢力，繼續不絕，帝國主義者且由壓迫而進爲屠殺，號稱革命政府之段祺瑞政府，自始即無擁護國家及民衆利益之誠意，掩耳盜鈴，冀以善後會議國民代表會議臨時參政院之類，擁護一己之地位。一方惟反革命之軍閥命令是聽，一方搜括民財至五六千萬之鉅，供其無謂之揮霍而不足，則圖二五加稅而犧牲國民八千萬之鉅款，承認自己昔所反對之金佛郎案。五卅慘劇，直道在人，正掃除帝國主義者壓迫即廢撤不平等條約之機會，有民衆爲之後盾；有友國爲之聲援，乃以謀達二五加稅目的之故，轉借此以召集關稅會議。僞從民意，爲關稅之自主，而實以條約交換，增加不平等條約之束縛力，而助帝國主義者之張目。凡此皆一年以來國民所共見共聞，不徒與本黨上年兩次宣言之意趣相違，亦全國國民所含怒蓄憤欲待

機而發者也。

今者段政府標榜和平統一之偽意，既已畢露。而事實上所呈遞起遞仆紛擾之象，轉甚於段政府未成立之前。凡此皆足以證明受帝國主義所援助之軍閥，終必歸於消滅。不建設真正民意之政府。終不足以自存。在此現象之中，本黨仍本本黨最終目的，努力於三民主義之實現。一方善意的渴望今之擁有軍隊實力者，瞻前愆後，務各自立於真正擁護國家與民視利益之途。換言之，軍隊即民衆之武器，必受民衆之指揮。一方偽認爲民意所歸之政府，既已爲民衆所厭棄，此後之政府，必須爲國民所組織，國民政府之建設，本黨仍本上年本黨總理北上宣言之所主張，以國民會議謀中國之統一與建設；而在國民會議召集以前，先行召集國民預備會議，決定國民會議之基礎條件，及召集日期選舉方法等事。

本黨於此，謹以熱烈誠懇之意思，告於國民曰：十四年來，國家之不寧；國民之食不得飽；衣不得暖；居不得安；間接爲帝國主義者之所賜，而直接則受帝國主義卵翼之軍閥所賜。今者雖國民之覺悟者日衆，軍閥之失敗愈速，然使國民一起而自決復立於主人之地位，以發號施令，則一年一度之害爾生命；毀爾財產；殺爾父母；辱爾妻女；傷爾兄弟子孫者，甯能終忍乎！本黨則信誓在彼，始終爲擁護國家與民衆利益奮鬥而不變。抑願爲國家之先鋒而不辭。特此鄭重宣言。十一月二十七日中國國民黨中央執行委員會第四次全體會議

## 中國國民黨對全國及海外全體黨員解釋革命策畧之通告

全國及海外各級黨部全體同志均鑒：溯自先總理在日，鑑於革命之歷久無成功，毅然決定改組本黨。當即有一班懶惰右傾黨員，欲迴避真正之革命，知改組刷新之不利於偷惰壟斷升官發財，阻撓備至。及第一次全國大會決定革命策畧以後，彼輩知阻撓之無濟於事，乃公然叛變。馮自由馬素等勾結段祺瑞張作霖另組團體倡之於先；楊希閔劉震寰勾結英國帝國主義舉兵發難於後。梁鴻楷鄭潤琦莫雄朱卓文等更不惜出以最殘酷之手段，置我最忠勇之廖仲愷同志於死地；欲一舉推翻廣州革命根據地。本黨於此存亡絕續之交，爲保持本黨革命地位計，不得不以嚴厲之手段以處置諸叛黨黨員。幸賴先總理革命精神之感召，諸同志強毅勇猛之努力，於本年六月掃平劉楊；於九月肅清廖案諸叛逆，使廣州根本之地，危而復安，革命事業，挫而愈奮，團結淬厲，進展可期。不圖彼輩毒心不已，又復勾結熊克武圖從北江襲取廣州，與英國帝國主義指揮之陳炯明鄧本殷三方夾擊，以期破滅我革命勢力。復賴同志一致努力，於兩月之內，使三方頑敵，以次肅清，革命權力，因以鞏固。當此之時，北京少數同志忽又以開第四次全體中央委員會開。查第四次全體中央委員會會議，迭經五月二十一日及五月二十三日第三次全體中央委員會會議決定，只能在廣州開會。因第二次全國大會，係決定在廣州開會，第四次全體中央委員會會議係爲議決在大會提案等事，十月三十日中央執行委員會議決第四次全體委員會須在全國大會前三星期召集。

即是此意。且廣州爲本黨革命根據地，北京乃軍閥及反革命派膺聚高壓之區，全體會議屬於公開性質，安能舍廣州而至北京。顯係一班叛黨黨員，假借機會，聳恿少數革命觀念動搖之中央委員，謀不利於本黨之行動，鄒魯即其中之一也。查本黨自改組以迄於今，反動黨員自馮自由以迄鄒魯，所同然一詞以攻擊本黨及本黨政府者，曰共產，曰聯俄，曰容納共產派分子。夫共產云云，乃帝國主義軍閥用以離間國民革命中各階級聯合戰線之一種策略。吾同志苟與帝國主義軍閥無緣，即不應助之宣傳，以淆亂國民觀聽，且事實具在，謠言之興，必難持久。惟聯俄與容納共產派分子，則爲本黨求達到革命成功之重要政策，先總理決之於先，第一次全國大會採納於後，乃有客觀之根據及深切之理由，蓋今日之革命，乃世界上革命與反革命兩大勢力作最後決鬥之一幕，與歷史上一切革命異其性質，則革命之行，亦當然異其策略。今帝國主義之對吾黨，早已爲國際聯合的壓迫，若吾黨之革命策略不出於聯合蘇俄，不以占大多數之農工階級爲基礎，不容納主張農工利益的共產派分子，則革命勢力陷於孤立，革命將不能成功。本黨辛亥革命所以未能成功，即因當時反革命派勢力已有國際的聯合，而吾黨革命勢力尙無國際聯合，在國內亦未喚起大多數民衆爲之基礎完全陷於孤立地位，故不得不妥協遷就以馴至於失敗。時至今日，豈可復蹈故轍？彼帝國主義軍閥正惟吾今日所採革命策略之可畏，乃多方離間破壞，務令吾黨盡絕國內外之一切友助，回復從前孤立地位，使革命事業永無成功，而後彼等始得遂其永久統制中國之願望，其計之毒，寧有逾此。我少數同志觀察不同，輒爲此等離間政策所惑，年來

黨內糾紛，大抵肇原於此。須知今日之局面，不爲革命，便爲反革命；無絲毫中立迴翔之餘地。然欲革命，必須聯合國際及國內各派革命勢力，團爲一體，始能與反革命派決戰而不敗。否則未有不失敗者。不惟失敗而已，其自身且有隨時陷入反革命派之危險，馮自由以至鄒魯諸叛黨黨員，其明証也。此次北京開會之事，已由本會去電嚴駁，且已決定第二次全國大會會期爲明年一月一日，于本年十二月十一日開第四次全體中央委員會會議于廣州，業經電促京滬各委員刻日南下與會，多數委員意見一致，本已毫無問題。惟因近來黨內外謠譏之興，多由不明瞭本黨政策而起，因將改組以來與反革命派奮鬥之經過，及先總理所採革命策畧之根由，通告各地同志，望各同志堅持總理之主張，勿爲異說所迷惑，革命前途，實利賴之。特此通告。中國國民黨中央執行委員會。

中華民國十四年十二月四日

## 中國國民黨對北京革命運動之宣言

中國國民黨全體同志，及革命民衆均鑒。來電悉，北京革命運動奮起，同志身任前鋒，負傷受創，爲民衆之自由而戰鬥。本中央執行委員會特向諸同志表示敬禮！北京革命民衆，爲國民之自由而戰鬥，受傷甚多，中國國民黨中央執行委員特向受傷之革命民衆表示敬禮！慨自辛亥革命功敗垂成，北方民衆，陷於帝國主義軍閥嚴重壓迫之下，水深火熱，直至今日，始克向帝國主義軍閥顯示其威力，奮起攻擊。望我同志團結淬厲，不怕犧牲，不避艱阻，凡遇示威戰鬥，當奮身站在民衆前列，爲民衆之領導與護衛。北京革命民衆，乃北方一切被壓迫民衆之領導，望一致聚集於中國國民黨旗幟之下，爲民族解放而奮鬥。本黨將悉其能力，號召全國革命民衆，爲北方民衆有力之後援。儉日北京國民大會通過之三決議：（一）即日在京組織國民委員會政府。（二）此國民委員會政府之任務，對內保人民一切自由，對外國際平等，召開國民會議。（三）由國民會議組織國民政府，中國國民黨完全擁護此決議。望努力奮進，務底於成！中國國民黨中央執行委員會齊」（十二月八日）



# 國民黨召集第二次全黨代表大會宣言

十四，十二，十二日

去歲一月，先總理召集第一次全國代表大會于廣州。當其時帝國主義與軍閥相勾結之勢力，已箝制全國，使全國民衆，陷于水深火熱之地位。而廣東境內，反革命派陳炯明鄧本殷等，竊據東江南路，仰北方軍閥之餒餘，爲之効死；且勾結北方軍閥，由北江來犯，以圖顛覆我革命政府。其隸屬于我革命政府之下者，如楊希閔劉震寰等，則假革命之名，以行盜賊之實。遂使政治紊亂，民生凋敝。革命政府不特不能資以爲用，且受其牽掣，使一切革命政策無絲實行，坐視人民之憔悴呻吟而不能救。先總理惻然不忍，乃于大會中確定根本方策，以期撥亂而致治。舉其大者如下：

(一) 確認國內亂象乃帝國主義與軍閥相勾結之勢力實使之然。而帝國主義尤爲主動，軍閥不過供其傀儡。欲撲滅軍閥，首先撲滅軍閥所賴以生存之帝國主義，故於大會中明揭反對帝國主義之主張，同時更與世界革命先進之蘇俄聯合戰線，以求此主張之貫徹。

(二) 全國民衆胥受帝國主義及軍閥之壓迫，而農工民衆在全國民衆中爲大多數，其受壓迫亦爲至深且切。故必須結合農工民衆之勢力，使之自求解放，即以解放中國。

(三) 欲使民衆能負擔掃除帝國主義與軍閥之勢力之工作，則不可不供以武裝及相當之訓練。故第一步須施政治訓練于軍隊；使之與人民相結合，第二步使之爲人民之軍隊。

(四) 欲使本黨黨員，能爲民衆的領導，以負擔上述的工作，則不可不于本黨中充實革

命的份子，使一切反革命假革命不革命的份子無存在之餘地。故于大會中，決定容納中國共產黨員，與之努力于國民革命之工作。

(五)欲使本黨能獲得實行其主義，及政策之自由，則不可不有極嚴肅之紀律，以整齊黨員之行動。蓋惟黨員之行動集中于團體，然後團體之行動，乃能活潑無碍也。故凡黨員之行動，有碍於團體者，必執行紀律以繩之，無所假藉。

以上五者，皆先總理於大會中所確定之根本方策。處此惡劣之環境，欲為人民求一出路，舍此末由！然大會未畢，而對於根本方策持異議者，已有其人，自是以後，蓄謀破壞者與時俱長，核其原因，不外黨員之中有「反革命」，「假革命」，「不革命」，種種分子，其平日列名黨籍，祇圖藉黨行私，初無意於為黨服務，故對於反抗帝國主義，則慮以此賈禍，不獲容身于租界。對於提倡農工運動，則慮以此取憎于富且貴者，不獲廁身於縉紳之林。對於軍隊與人民合作，則慮失其軍閥地位，不獲擁兵自衛，以遂其無厭之欲。對於容納共產分子，則慮以努力工作之故，而相形見絀。對於嚴明紀律，則慮喪失其為惡之自由。且將以制裁之故，而至於不能維持其藉黨行私之生活。積此種種，對於孫總理所確定之根本方畧，搖撼之惟恐不力！遂使帝國主義者得蹈暇乘隙，以施其挑撥離間之伎倆。由是本黨乃橫遭種種疑謗，種種誣讒。然先總理則處之夷然，不因之而稍易其進行之方向，徵之第一次及第二次中央執行委員會全體會議之際，先總理所訓迪之辭，及「對商團事件宣言」，「北伐宣言」，「國民會議宣言」，先總理對於所確定之根本方策，以邁往無前之氣力，不

惑之精神，促其實現。當爲有耳目者所共聞共見者也。及乎冬間，先總理挺身北上，深入帝國主義與軍閥之四面包圍中，爲不息之奮鬥，全國民衆爲所感動，已漸即於覺悟。而黨員中之不肖者，則已於秘密黑暗之中，賣身軍閥，爲之走狗，因爲帝國主義走狗之走狗，上海天津北京一帶帝國主義之報紙，遂時時發現馮自由馬素江偉藩諸人反動之言論。今年歲春間先總理病篤，彼輩更謀一舉而覆本黨之根本，於是依段祺瑞肘腋之下，仰安福系之餽餘。以成立所謂國民黨同志俱樂部。黨員之搖惑失志者，不恤捐棄廉恥以從之，其以忠厚老成自命者，則務爲持重以姑息養好，寧墮壞本黨之生命與基礎，而不敢得罪於三數不肖分子。當此之時。本黨之生機不絕如縷。蓋亦可謂至危矣！然猶幸先總理自強不息之精神，已漸漬於人心，而成爲至偉大之勢力，故當病篤之際，在廣州之黨軍已能體先總理平日之志，事一舉而蹙平東江羣賊，及乎病歿，全國民衆的皆以喪失導師爲大戚，由無異同情，而生無涯的興奮！北京民衆以見聞較切，影響較深之故，尤於無形中廣植革命之種子，以待時而發，而第三次中央執行委員會全體會議在北京開會之際，備受軍閥之壓迫，與反動分子之蹂躪，又足以証明，苟不於革命根據地鞏固其勢力，以謀逐漸發展，決不足以經營全國，遂相率南下繼續第三次會議於廣州。在此會議中，所首先決定者，全體黨員誓以至誠接受先總理遺囑，國民革命之工作不致中斷。其他種種決定，對於黨內者；則有關於黨的紀律之通告，有對於黨軍校及軍隊之訓令，有關於共產員加入本黨之訓令，對於時局者，則有對於時局宣言，有主張國民自動的開國民會議預備會議之宣言，有整飭軍隊

決議案。凡此種種，無一非根據先總理所確定之根本方策，而引申說明其意義也，最高黨部既有此種種之決議，以確定本黨進行之方針，遂集合革命的分于奮起而當此大任。六月中旬，掃滅楊希閔劉震寰之反革命勢力，以奠定革命根據地之基礎，六月下旬，受帝國主義者突如之襲擊，而不爲所屈，且聯合民衆對之爲激烈之反抗。七月一日國民政府成立，一方面對於帝國主義軍閥及一切反革命派，取不妥協，不姑息的政策；一方面對於民衆勞力保障其利益，尤於居大多數之農工民衆，扶植其團體的勢力，輔助其組織而促進其發展。故軍政統一，民政統一，財政統一，軍需獨立，及軍隊皆受政治訓練諸端，皆次第實行，使一般驕兵悍將貪官污吏，失所憑藉，而一般民衆始不復爲積威所劫，而漸恢復其自由。凡此種種，又無一非根據先總理確定之根本方策，而努力以求其實現者也。八月二十日，中央執行委員廖仲愷同志，死於反革命派之手。一時反動氣勢爲之驟張，然革命派以不屈不撓之精神，應此巨變。二十五日遂捕縛嫌疑犯人，並解散反側軍隊張國楨之徒，悉斂手就擒，魏邦平之徒僅以身免，廣州革命根據地，反因此得一重之保障，及九月二十日更進而解散東莞增城寶安一帶之反側軍隊。使鄭潤琦莫雄等與楊坤如勾結爲患之隱謀，爲之破滅。十月三日在廣州捕獲熊克武等，以絕陳炯明之內應。由是東征軍無後顧之憂，長驅而前，不踰一月，逆敵已殲除殆盡，惠潮梅諸屬以次底定，南路諸軍所向克捷。十一年六月以來，久淪化外之諸郡縣，始復歸版圖，廣東全省始告統一，蓋自八月以來，反革命派之謀我，可謂無所不至。外則結連帝國主義者，以封鎖我口岸，梗阻我交通，更結連北洋

軍閥，運其艦隊，以侵擾我沿岸，窺伺我門戶。內則煽動我反側分子，使失意軍人，無聊政客有如蟻附，而土豪及盜賊更從而張其聲勢。然革命派對之，則以勇往直前之氣，成推枯拉朽之功。蓋革命派他無所恃，其所恃者，惟篤信謹守先總理所確立之根本方策，團結左派分子之勢力，代表大多數民衆之利益，以與帝國主義軍閥爲殊死戰而已。數月以來，雖以戰事頻繁，建設諸端，多有懷未逮。然國民革命之障礙既以漸清除，因之用人行政，不復如前之掣肘，對於各種事業設調查委員會，或查辦委員會，以掃除積弊，對於財政亦以積極整理之故，而預算得以成立。對於東江南路新定之區，務使人民與政府合作，以謀長治久安之道。凡此種種，皆所以求革命根據地之鞏固，與民衆之安寧，先總理所確立之根本方策，足以撥亂致治，於此已信而有徵矣。當此之際，北方軍事，忽有變化，奉天軍閥，一朝瓦解，北京國民革命之氣勢，如有潮湧。凡我同志誠宜及時努力，以求履行先總理之遺囑，完成國民革命之工作。而謝持鄒魯等，乃欲繼馮自由馬素江維藩等之反動計劃，以圖破壞先總理所確定之根本方策。凡我同志，苟詳審第一次全國代表大會以來之革命趨勢，則於是非曲直，必能瞭然而無疑。今於召集第二次全國代表大會之際，謹畧述經過，以期勉勵於將來焉。中國國民黨中央執行委員會。

## 中國國民黨第一次全國代表大會宣言

中華民國十三年一月，本黨總理孫先生召集本黨第一次全國代表大會於廣州。大會以一致議決，通過總理提出之宣言。其宣言內容。首在說明中國之現狀，次為對於三民主義之解釋，次為最少限度之政綱。自第一次代表大會閉會以來，本黨同志，在總理指導之下，努力奮鬥。總理更於此時，制定建國大綱，完成民權民族民生主義之講演。更於挺身北上之際，發佈開國民會議及廢除不平等條約之宣言，而殿以最後之遺囑。凡總理之所言者，必以力見之於行。本黨同志，以總理之言為軌範，以總理之行為表率，無間生死，以迄於今。第二次全國代表大會，深念總理之遺教，綜覈第一次代表大會以來之事實，確信總理所定之主義及政綱，實為中國今日之唯一生路。謹按諸世界現狀，中國現狀，及本黨努力之經過，宣言如左：

### 第一 世界之現狀

總理遺囑有言，『余致力國民革命，凡四十年，其目的在求中國之由平等。』國民革命之目的，在求中國之自由平等。孰使中國不自由不平等，曰不平等條約之束縛。孰使此不平等條約之束縛加於中國，曰帝國主義。故打倒帝國主義，實為國民革命之第一工作。而打倒帝國主義之必要方法，總理於遺囑中，亦已明告曰，喚起民衆，及聯合世界上以平等待我之民族共同奮鬥。所謂以平等待我之民族，有已能以其自力，打倒帝國主義，自致於

平等，同時以平等待我者，如蘇俄是。有與我同在帝國主義壓迫之下，相與努力，以打倒帝國主義者，如一切殖民地半殖民地之被壓迫民族是。此等民族，對於平等之觀念有二，（一）自求平等，（二）同時求他人之平等。合此二觀念，故民族運動，與國際運動，實為相須，而民族主義，與國際革命主義，其內容實為一致。惟其如是，乃能與以不平等待人之帝國主義，作殊死戰。本黨既抱此目的，故對於蘇俄，以誠意與之合作，雖受帝國主義者及其工具軍閥官僚買辦階級土豪之種種誣蔑，種種挑撥離間，而繼續進行，初不因之少撓。至於一切殖民地半殖民地之被壓迫民族，以地位相若觀念相同之故，其聯合實出於自然，且其聯合之程度，亦日以密切。請析言之如下。

歐戰以後，世界地圖，實表示一幅人類被奴隸之可怖的寫真。如世界全面積等于一萬三千四百萬方基羅米突，則屬於帝國主義及被管轄于帝國主義之殖民地，其面積等于一萬方基羅米突。如世界人口為十七萬萬五千萬。則其中有十二萬萬五千萬為帝國主義之牛馬奴隸。英國為帝國主義之巨擘，其本國面積僅三十一萬四千基羅米突，而其殖民地之面積，則為約四千萬方基羅米突，蓋十三倍于其本國面積矣。英國本國人口，僅四千六百萬，而其殖民地之人口，則為四萬二千九百萬，蓋一英人與九殖民地奴隸之比矣，法國本國人口，僅三千九百萬，而其殖民地人口，則為五千四百萬。甚至渺乎其小之比利時，其本國人口，僅七百萬，而其殖民地人口則一千七百萬。日本之殖民地人口，幾與其本國人口相等。此猶專就殖民地而言耳。至于半殖民地，如中國暹羅等尚不在內。帝國主義者以極少

數之本國人民，而駕馭大多數之殖民地人民，其工具有三。

一、高度發展的工商業，龐大的資本積聚。此等資本積聚，能供給帝國主義者以偉大之信用。

二、強大的海軍及航空隊，能使所有殖民地半殖民地之民族，雖蓄怨望，謀反抗，而卒不能脫離其勢力範圍之外。

三、強有先的宣傳機關，若千百種之新聞雜誌，若千百種之學校，若教會及戴面具的慈善事業，若無數受薰陶于統治殖民地人民的精神之官吏，皆足以爲帝國主義之喉舌與爪牙。對於殖民地半殖民地之奴隸，不特有摧殘的能力，而且有麻醉的作用。對於一切帝國主義者，不特能幕蔽其罪惡，且能使人相與歌功頌德之不暇。

有此三者，帝國主義之歷史，乃能趨于發榮滋長，以極少數之人類，乃能強制大多數之人類，而使之屈服。然而歐戰之後，帝國主義之基礎，已被動搖，其所以使之動搖之條件如左。

一、帝國主義之最龐大者俄羅斯帝國，已歸于覆滅。其結果使世界六分之一之土地，脫離帝國主義之區域。同時使世界上一切被壓迫民族，在自求解放的奮鬥中。得一先進者以爲之指導。此爲帝國主義之一大損失。德意志帝國，本亦爲帝國主義之極猛烈者。而以戰敗的關係，受其他各個帝國主義者所排斥，而處于被抑服之地位。此亦爲帝國主義之一大損失。蓋不啻帝國主義家庭中之分子，因減少之故，而即于衰微也。



二、各個帝國主義者中，以利害衝突，而互相妒忌，互相排拒。英國對於法國之陸軍與航空隊，極端猜嫌，乃于近東其歐洲大陸，為不斷的暗鬪。例如洛加拿協定，即英國所設之圈套，欲使德國，入其彀中，而即利用德國，以對抗蘇俄，并於相當時機，對抗法國。此等帝國主義之互相衝突，適足陷於美國的經濟帝國主義之陷穽中，而莫能自拔。而東亞帝國主義之日本，則又以美國在太平洋與在中國之經濟勢力之增漲，認為相逼太甚，謀以海陸軍之勢力，摧挫而覆滅之，凡此各個帝國主義者間之互相衝突，皆所以自暴其弱點也。

三、在歐戰中，殖民地與半殖民地之工業，驟形發展，其天然結果，適為工人階級之發展。工人階級已以可驚之速度，而成為國民革命中之有力的成分。同時更於民族解放運動中，取得領導的地位。

四、為帝國主義巨擘之英國，其殖民地雖廣大，而於經濟上已與本國脫離，由是其加於殖民地與半殖民地之綫縲，亦更為嚴緊。法國本國之領土，被燬于歐戰中之槍林礮雨，則欲盡其力所能至，剝削殖民地，以為之補償。於是此兩帝國主義者之殖民地之奴隸，如水益深，如火益熱，乃不得不鋌而走險，為不斷的騷動與反抗。

五、一切殖民地與半殖民地的民族，已於繼續的民族運動中，表示其自覺。此等自覺，因蘇俄與土耳其之革命獨立，與以暗示，且與以模範。其最大之意義。則為蘇俄與土耳其能以民族羣衆的勢力，而打倒強有力的帝國主義之軍隊也。

六，在帝國主義之本國以內，因勞動羣衆之失業，生活程度，日以低落，貨幣日以跌價，不得不陷於貧窮之境遇。而貨幣跌價，且使中等階級，失其儲蓄之資。此種經濟上之慘淡與恐慌，足使階級鬥爭，更形激烈。其結果必至於將大多數民衆驅入革命的戰線以內。而此大多數民衆，又必同情於世界上一切被壓迫的民族，願與之合作，爲解放而奮鬥也。

由此種種，可斷定帝國主義之基礎，已被動搖，其崩潰之期，必不在遠。而世界上一切被壓迫的民族及民衆聯合奮鬥，實足爲其致命之傷。中國之國民革命，由中國言之，爲中國民族之自求解放。由世界言之，爲一大部分人類之自求解放。故中國之國民革命，實爲世界革命之一大部分，中國人民從事於國民革命，決非孤軍轉戰，若蘇俄，若世界上一切殖民地半殖民地的民族，若帝國主義本國內之被壓迫民衆，皆與中國之革命民衆，立於同一戰線者也，試錯舉事實如下。

美洲之夏威夷，墨西哥，古巴，等國，其共和制度，爲美國所蹂躪，其城市爲美國海軍所佔據，其國民爲美國所摧殘，其憲法爲美國所修改以適合美國銀行的利益，其自決權被拒絕，其獨立完全被打銷。此外尚有無數黑種人，爲自命民主先進國所壓迫所剝削所虐待。夫壓力愈重，則反抗力亦愈大。故夏威夷之愛國團體，墨西哥之農工黨，全美洲之反帝國主義大同盟，黑人之救國保種的組織，皆一致努力，以求其種族或民族的解放。

普通的觀念，皆以爲歐洲乃帝國主義的老巢在此老巢中，必不至尚有被壓迫的民族。

按之實際，則殊不然，阿爾塞斯羅倫，歐戰以前，被德國帝國主義所壓迫，歐戰以後，被法國帝國主義所壓迫，四十五年以來，法國以阿爾塞斯羅倫由祖國淪於異域，引為莫大之悲哀。其實則法國工業為阿爾塞斯羅倫之煤鐵而悲哀也。一九一八年以來。阿爾塞斯羅倫。重歸於所謂祖國。以嘗試法國帝國主義之壓迫，乃較德國帝主義之壓迫為尤甚，前以二十萬操法語之民族，受德國民族主義之壓迫。今則以一百萬操德語之民族，受法國狹隘的愛國主義之壓迫。法國政府，在學校，在官聽，在法庭，在商業上，禁止土人之操土語，法國政府所派遣之官僚，憲兵警察等，所在充滿，為嚴厲之監視。青年被強迫而在殖民地軍隊中服務。工人運動，遭遇最嚴酷的摧殘。於是阿爾塞斯羅倫之人民，因工人與農民的團體之指導，已宣言自主。

其在墨西哥尼亞，(Macedonia)有居民二百三十萬，在其歷史中，已以不斷的奮鬥，而求其民族之獨立，乃凡爾賽條約，竟相與瓜分之。南斯拉夫(Jugo-Slavia)取其五，希臘取其四，布加利亞取其一。此等新興之帝國主義者，其待墨西哥尼亞，一如法國之對待阿爾塞斯羅倫。對於所征服人民，務壓抑之，或使之同化。此實為現在巴爾幹半島各國的共同政策。而此種政策，實受國際聯盟所擁護。為是之故，墨西哥尼亞之革命黨人，已于聯邦派指導之下，努力進行，以求實現其國家的獨立，及為巴爾幹半島革命的聯邦。

其在皮沙拉比亞，(Bessarabia)布哥維那，(Bukovina)西里西亞，(Silesia)克洛西亞，(Croatia)諸地，其民族所受之待遇，與墨西哥尼亞大畧相同，故此等民族，已各準備其戰

鬥能力，以求脫離奴隸之遇待。

其在斐洲，被壓迫的民衆，已由沉睡而即于猛醒。自地中海以至好望角，反抗帝國主義之空氣，瀰漫于黑人及阿拉伯人的大陸，其民族革命運動之最顯著者，爲里夫(Rif)的戰爭，里夫民族，爲數不及一百萬，而能與世界上開拓殖民地最早的西班牙，及世界上陸軍最強的法國，爲勇猛對抗。里夫民族革命運動之領袖，爲阿白爾克里姆，(Abelkrim)以所部兵六萬五千，擊敗西班牙兵十萬。繼以法國之陸軍六萬，及航空隊，鐵甲車隊，統之以最善戰之將領，戰爭半年，法國之陸軍，死者萬人。而里夫民族，仍能於艱難危苦之中，支持其勇氣。至於阿爾及利亞(Algérie)埃及等，其反帝國主義之運動，亦隨時勃發，經一度之屈服，復爲一度之反抗，且其反抗之程度，更烈於前。帝國主義者，已知非洲種人非復如曩日之易與矣。

其在亞洲，如波斯，在歐戰以前，受英俄帝國主義雙重的壓迫。及俄國革命，波斯人民，已由俄國革命黨人之手，解除俄帝國主義之羈絆，而受平等之待遇。波斯人民，受此刺激，更謀脫離英帝國主義之羈絆，使英帝國主義之工具波斯國王，碎於人民一擊之下，而成立波斯民主的政府。如阿拉伯，其民族解放運動之思潮，已達于最高點，能以碎石擊走波爾福(Tiaf)勳爵于巴勒士登。(Balkis)最近更宣布政治的罷工，以表同情於敘利亞(Fine)同胞。如敘利亞，自去年七月廿四日以來，反抗法國帝國主義，法國之陸軍，屢敗於敘利亞愛國黨人之手。其狼狽之態，不亞於在摩洛哥。(Morocco)而其野蠻之行爲，亦較

在摩洛哥爲烈。殺戮婦孺，縱火擄掠，無所不爲。此等野蠻行爲，實足使敘利亞人奮鬥之志，益以堅決。國民政府，已於最近成立。敘利亞之愛國運動，雖一時或不免爲法國陸軍優越的勢力所屈服。然終信最後之勝利，必操于敘利亞愛國黨人之手也。如土耳其，在一般帝國主義者中，久已視爲無問題之捕獲物。諡之以近東病夫，加之以壓迫基督教徒之罪名，刀俎魚肉，一惟所命。而近則以土耳其國民黨之努力，及蘇俄之扶助，已脫離帝國主義者之壓迫，而成爲自由獨立的國家。最近土耳其國民政府因英國槍奪莫塞爾(Mosul)，集合國民軍，并與蘇俄成立更密切的同盟，以準備保護其領土及其政治的經濟的主權。如荷屬東印度，其國民革命的奮鬥，已積極進行。荷蘭帝國主義者對待土人，與英法同其殘暴土人所有學校及種種團體，皆被封閉。一切集會及示威運動，皆被禁止。教授新聞記者，可以隨意監禁。愛國黨人，可以隨意殺傷。一九二五年三月，荷蘭警察。在瓜哇槍擊愛國黨人一百有七人，伏尸枕藉。九月，復捕獲愛國黨人一百六十三人，此等殘暴行爲，適足使瓜哇之國民黨及農工黨，更堅固其團結力，及更增益其爲國民革命而共同奮鬥之決心與勇氣而已。如印度，自治黨人，及共產黨人，正共同努力，以反抗英帝國主義。英帝國主義對之，雖以無人性之殘暴，加以摧毀。而所謂不合作運動，經濟的絕交，消極的不服從，進行如故。如菲律賓，安南，台灣，高麗，其民族革命之奮鬥，或以公開，或以秘密，相與爲不懈之努力。此等奮鬥，終必使帝國主義所施與之桎梏，歸於粉碎。

綜合此等錯舉之事實，可得結論如下。

一、被壓迫的民族，已開始覺悟其所處地位之不公平，已認識帝國主義在政治上經濟上之種種壓制，及掠奪，故民族革命運動，已普及於全世界。此等民族革命運動，有已與帝國主義直接發生武裝的衝突者，如里夫民族及敘利亞民族是。有其武裝的衝突，已得勝利，使其民族於帝國主義壓迫之下，已得解放者，如土耳其是。而其中尤當注意者，凡在殖民地半殖民地的革命運動與帝國主義者直接衝突之過程中，有一種歷史的事實，能促進此過程，此事實為何，即殖民地半殖民地因工業發達而產生之無產階級是已。此階級在民族革命運動中，能以漸立於前線，而為民族革命運動之指導者。

二、凡我民族革命運動，欲求成功，必須有廣大的民衆參加。而農工民衆，尤為必須。過去民族革命運動之失敗，由於參加者限於知識階級，故不能得廣大之基礎，與廣大之勢力。于現在及將來，為民族革命運動，必須以其意義普及于田間與工廠。且必須使之組織于反抗帝國主義的奮鬥中。

三、凡民族革命運動，必須明瞭其共同之敵人為誰。對於共同之敵人，而共同奮鬥，自助與互助，初無異致。所以世界上一切被壓迫民族革命運動，有聯合戰線之必要。

四、凡民族革命運動，必須排除狹隘的國家主義。此等狹隘的國家主義，常為帝國主義之誘因。縱使民族革命成功，亦徒成爲新興之帝國主義。故一切被壓迫民族，相互之間，要求人以平等待我，同時亦要求我以平等待人。必如是，乃能聯合世界上以平等待我之民族，共同奮鬥。中國之國民革命，對於革命先進之蘇俄，固共同奮鬥。而對於一切被壓

迫之民族，亦共同奮鬥。于此之時，彼此以平等相待，以期民族革命成功之後，同進于大同。

五，各個帝國主義者間之衝突，及帝國主義者本國內大多數人民之憤激與怨望，實為與世界上被壓迫民族以推倒帝國主義完成民族獨立之良好機會。凡從事於民族革命運動者，必須勿失此良好機會，務使一切革命的勢力，皆得以集中，而活潑進行。

六，在民族革命運動進行中，必須看破帝國主義者的陰謀，及防止其一切包藏禍心的宣傳。此等宣傳，實含有挑撥離間之兩種作用。帝國主義，為遮斷其本國內大多數人民與東方被壓迫民族聯合，則倡黃禍之論，以為恐嚇。為遮斷東方被壓迫民族中各階級間之聯合，則倡赤化共產之論，以為恐嚇，此種恐嚇手段，能使革命勢力，歸於離散。故凡從事於民族革命運動者，必當大聲疾呼，以喝破其陰謀。同時益以誠意與帝國主義者本國內大多數被壓迫人民及世界上被壓迫民族，聯合一致。向於共同敵人帝國主義者，猛烈進攻。

## 第二 中國之現狀

如上所述，可知中國國民革命，實為世界革命之一大部分，其努力之目標，在打倒帝國主義，帝國主義所挾以為暴之工具，前已言之。然使中國以內，無為帝國主義之內應者，則帝國主義，亦無所施其技，試列舉如下。

一，軍閥。軍閥之大者，藉口武力統一，把持中央。其小者，藉口聯省自治，把持地方。其唯一目的，在掠奪國家及人民之利益，其唯一手段，在擁兵自衛。其所豢養之軍隊

，不知有國家，不知有人民，祇知爲受其豢養之軍閥而效死。顧其豢養之程度，乃至爲微薄。軍閥掠奪所得國家及人民之利益，祇以自肥其身家，及分肥于同黨共濟之將領。至於大多數之兵士，不過仰其所不屑之餒餘。故大多數之兵士，其生活至爲困苦。戰時則驅之死地，平時則不免於飢寒。由是大多數之兵士，遂被迫而爲盜賊之舉動，以自絕於人民。而爲將領者，則以軍閥爲終極之目的，惟知以相斫求其大欲。中國之內。於是兵戈相尋，而莫知所屆。

二，官僚。凡民主之國家，所謂官吏，本人民之公僕其自身實爲人民，於執行國家之政務及事務時，乃爲官吏，而中國之官僚，則于士農商之外，別成一階級。其結果惟有助軍閥爲虐，以掠奪國家及人民之別益，以肥軍閥，且藉以自肥。

三，買辦階級。帝國主義者如虎，而買辦階級則爲之俵。帝國主義恃之，對於中國國民，得以擇肥而噬。而買辦階級則於無數中國國民被噬後之殘尸中，咕囁其血肉，以饜其下流之慾望。

四，土豪。此爲封建制度之餘孽，其在鄉村間，自爲刀俎，而以人民爲魚肉，其爲厲於人民，甚於盜賊。

以上四者，在帝國主義者之心目中，實爲應用之工具。蓋帝國主義者，欲使中國爲永其次殖民地，則其所采之方法，莫大於阻遏中國之國民革命運動。而欲阻遏中國之國民革命運動，則其所采之方法，又莫大於遮斷國民間之各階級的聯合，尤莫大於摧抑農工階級



之發展。蓋不如是，則不能分散國民革命之勢力也。而買辦階級與土豪，其性質上實爲摧殘農工商各階級之利器。故必利用之，以壟斷中國經濟之利益，同時即以窒塞中國國民革命之生機。顧經濟上之勢力，必得政治上之勢力，爲之輔助，然後能活潑無碍，以日即於繁榮。故又必收軍閥官僚，以爲己用，使政治上之勢力，歸於掌握，所以軍閥官僚，與買辦土豪之於帝國主義，實猶車之雙輪，鳥之雙翼。而軍閥官僚與買辦土豪，其生活之目的與條件，同爲掠奪國家及人民之利益以自肥。於是四者之間，不期然而出於共同行動。帝國主義，得此等工具，遂敢悍然破壞中國國民革命而無所憚。

徵之民國元二年間，五國銀行團，不惜以二萬萬五千萬之大借款，貸諸袁世凱，以助其驅除東南之革命黨人。六七年間，日本又不惜以三萬萬之參戰借款軍械借款及種種借款，貸諸段祺瑞，以助其掃滅西南之護法軍隊。八九年以後，歐戰終了，各國恢復其遠東勢力，則又相與痛抑日本，助曹錕吳佩孚，以推倒段祺瑞，其各種借款，爲額之巨，至今尙未能知其確數，而曹錕吳佩孚則亦以摧破廣州革命政府，爲效忠於帝國主義之表示。蓋帝國主義者，由借款而得之利益，不特經濟方面而已，于政治方面，尤獲種種特權，而其最大作用，則爲助軍閥以鎮壓國民革命也。前歲秋冬之間，直奉再戰，其結果曹錕吳佩孚推倒，而段祺瑞張作霖崛起，要不外易英美帝國之傀儡，爲日本帝國主義之傀儡而已。帝國主義得軍閥爲之傀儡，對于中國，遂得爲所欲爲。軍閥得爲帝國主義之傀儡，則亦有恃無恐雖獲罪於人民亦恬然不以爲意。前歲冬間，段祺瑞不恤以尊重不平等條約，爲各國

承認臨時執政之交換條件。去歲五卅以還，張作霖之軍隊，在天津上海，極力摧殘各界人民之愛國運動，而于工人運動，尤遏抑之不遺餘力，軍閥爲帝國主義之鷹犬，以咋噬人民，阻礙國民革命之進行有如此者。

大軍閥之把持中央者，受帝國主義之卵翼，爲之效命，如上所述。小軍閥之把持地方者，論者或以爲其地位勢力，尙不足當帝國主義之一顧，故把持地方之小軍閥，其殃民之罪狀，雖視大軍閥爲甚，而賣國之罪狀，似反從末減。顧按之實際，則殊不然。徵之去歲夏間，唐繼堯起兵，寇桂窺粵，語其內幕，乃在受日本帝國主義者之唆使，與法國帝國主義者之慫恿。而十二年來，陳炯明等之得苟延殘喘於東江，以爲禍於廣東，乃全恃英帝國主義者爲之後援。自去歲夏間以還，更公然以香港爲其寇粵之大本營。運兵籌餉，皆以香港爲策源地。北洋兵艦，集中於香港，以往來窺伺廣東之沿海岸。復由香港輸運軍械，以接濟南路諸賊。而陳炯明等更於海豐摧殘農民運動，於汕頭摧殘工人愛國運動，務殘害同胞，以取媚於帝國主義。嗚呼，五卅以來，青島九江上海漢口廣州各處慘殺案相繼而起，全國之愛國民衆，方血肉狼藉於帝國主義槍刃之下，而陳炯明等乃忍心受其豢養，聽其嗾使，以危害國民革命運動。蓋小軍閥之末路，倒行逆施，久已梟獍之不若矣。

以上爲各軍閥與帝國主義勾結之現狀，至於買辦階級，受帝國主義之頤指氣使，以爲厲於民國，其罪狀亦擢髮難數。大抵數年以來，北京之財政總長，幾成爲買辦階級之專利品，自王克敏以至於李思浩，無非竊國帑以納諸外國銀行，同時更以無數政治上經濟上之

特權爲之賤。至於各省巡按使督軍之屬，其盜國病民之所得，莫不由買辦階級，爲之置業於租界，以爲其臟污之保障。財政現狀之紊亂，政治現狀之污濁，實以此爲一大原因。買辦階級罪惡，深足爲國民所唾棄。而其罪惡之尤著者，莫十三年秋間廣州沙面匯豐銀行買辦陳廉伯之作亂。陳廉伯始則藉英帝國主義之資助，而得自由販運軍械，組織商團，以謀反抗廣州革命政府。繼則受英帝國主義之袒護，以類似哀的美敦之通牒，恐嚇廣州革命政府。其始末於總理致英國前首相麥克端勞之電報中及宣言中已詳之。及乎作亂失敗，仍得安居香港，終日從事於破壞廣州革命政府之行爲，贖資助賊，擾亂地方，視爲當然，曾不稍怪。蓋中國自有買辦階級，而國民人格，幾於掃地以盡矣。

在軍閥與帝國主義勾結之現狀中，官僚則駿奔以爲軍閥之給事者。在買辦階級受帝國主義之頤指氣使之現狀中，土豪則蟻附以爲買辦階級之響應者。

不寧惟是，買辦階級及土豪，平日於經濟上，既占優越之地位。泊乎得帝國主義者之媒介，以與軍閥官僚勾結，則進而於政治上亦占優越之地位。試觀全國，商埠表面，雖似趨於繁榮，而其內幕，則不免受帝國主義及其附庸者之支配，至於村落則其困窮之象，每況愈下，蓋商業爲所操縱，新興工業爲所扼制，農業手工業爲所摧毀，農民工人之利益爲所吞蝕，更無待言。民窮財盡，悉由於此，加之各個軍閥間，其互相衝突，在原則上，無可倖免。或爲擴張地盤而戰，或爲保障地盤而戰，或迭相雄長，或以下烝上。數年必戰，甚至數月必戰。其破裂之期，可以預測而逆臆。有如前歲秋間，江浙之戰，直奉之戰，去

歲冬間，江浙直魯及遼東之戰，所殺傷者，人民之生命，所蕩析者，人民之財產，蓋人民至是，已岌岌然不能保其生存，更無生活程度之可言矣。

中國之現狀如此，吾人苟一體認，可知今日之中國，其當前待決之問題，實爲求一生路，然所謂生路者，果如何乎，關於此點，第一次大會宣言中，曾列舉立憲派，聯省自治派，和平會議派，商人政府派，之各種主張，而指示其謬誤。近更有所謂國家主義派者，以爲今日欲救中國，但當如日本之維新卽能自致於富強，爲此說者，不惟未知日本維新之際，以留封建制度之餘毒，以爲害於其人民。且已生帝國主義之厲階，以爲害於世界。且其於日本維新之際，時代與環境之關係若何，亦忽焉不察，日本維新之階，帝國主義正如旭日初升，故日本之摹仿。出於不自知其然而然。若夫今日帝國主義，已近末路，其自然崩潰之期，已可以推算而得，尤而效之，適見其惑而已，至於所謂良心救國派，所倡導者，爲性善，爲自由，陳義不爲不高，然其除惡不勇，其紀律不嚴，一方坐視率獸食人者之猖獗，咨嗟扼腕，而不能制。一方不能組織民衆，既不能以紀律自繩，自亦不能以紀律繩人，遂使團體行動散漫而無力，于此而欲求撥亂致治，亦徒見其幻想而已。凡此，皆坐不能體認中國之現狀。故于救治之法，亦茫然莫知所措，吾人所指爲中國之生路者則如下：

其一，對外當打倒帝國主義。其必要之手段，一曰聯合世界革命之先進國。二曰聯合世界上一切被壓迫之民族。三曰聯合帝國主義者本國內大多數被壓迫之人民。

其二，對內當打倒一切帝國主義之工具，首爲軍閥，次則官僚買辦階級土豪。其必要

之手段，一曰造成人民的軍隊。二曰造成廉潔的政政。三曰從倡保護國內新興工業。四曰保障農工團體，扶助其發展。

凡此對內對外之必要手段，約而言之，即總理遺囑所謂喚起民衆及聯合世界上以平等待我之民族共同奮鬥也。于此中國之現狀，爲對症發藥之救治，觀于以上所列舉之事實，可灼然而無疑。

吾人既深信總理所定之主義及政綱，爲中國之唯一生路。故於第一次大會閉會之後，即服從於總理指導之下，以努力而進行。吾人非不知當時所處之境，至爲惡劣。所挾持之勢力，亦至爲微弱。彈丸之廣州，已爲香港帝國主義者，納諸掌握之內。而北洋軍閥，如曹錕吳佩孚等，復耽耽然欲滅此而朝食，不恤百計以求逞，陳炯明等跳梁於東江，鄧本殷等負隅於南路，楊希閔劉震寰等，更反側於肘腋之下。吾人苟鮮明其主義及政綱，無異自樹一的，以待此等敵人之共同進攻，況我謂官僚賈辦階級土豪，正環繞於吾人前後左右，將以保護其不正當之利益之故，而同心合力，務置吾人於死地。惟吾人則百無所畏，準備與之爲殊死戰。吾人於此四面包圍之中，所艱難成立者，有中央及各也之黨部，以宣傳民衆，組織民衆。有陸軍軍官學校及黨軍，以造成與人民合作的軍隊，使進而爲人民的軍隊。有各種工人的組織，及農民的組織，俾之能保衛其利益。而發揮其能力。吾人曾與勾結北洋軍閥之叛軍戰，曾與勾結帝國主義之商團戰，其結果，此等敵人，不特不能困苦吾人，且使吾人益增長其氣勢，進而與北洋軍閥曹錕吳佩孚戰。曹吳推倒之後，總理挺身北

上，以開國民會議，制軍閥之死命，以廢除不平等條約，制帝國主義之死命，事雖未成，而以身殉道之精神，已普及於全國民衆，而深入其肺腑。去年五月卅日以後，青島上海九江漢口廣州等處之慘殺案，接踵而起，帝國主義窮兇極惡的面目，暴露無遺，而全國民衆努力從事於國民革命之精神，已漸爲世界所認識矣。最近北京民衆之示威運動，又足以襯軍閥之魄，使知與帝國主義勾結，非惟不能恃以爲固，且適足以犯衆怒而促其死亡。大河南北大江南北及湖南北間，農工民衆，團體組織，日以堅固，能方日以發達，其參加國民革命運動，亦日以熱烈，吾人更於此時，鞏固廣州之革命根據地，肅清一切反革命分子，掃除東江南路一切叛徒，建立與人民合作之政府，及與人民合作之軍隊，以明白真摯之精神，爲民衆謀利益，同時領導民衆，從事於國民革命雖受帝國主義者及其工具之重重壓迫，屹然不爲之搖動，且決其覆滅之期，必不在遠，最後之勝利，終屬之吾人，此吾人於第一次大會閉會之後至於第二次大會開會之前，努力之經過，所可爲國人告者也。

## 第四 結論

世界之現狀，中國之現狀，及本黨努力之經過，綜合而觀察之，可得結論如下。

總理所提出於第一次大會之宣言，對於三民主義之解釋，及最少限度之政綱，實爲中國之惟一生路。吾人於第一次大會閉會以後，所努力者，僅爲掃除障礙，以準備主義及政綱之實行。不獨主義之自身，未能實現，即最少限度之政綱，亦未能施之實際。故第二次

大會，對於主義固當繼續努力，以求貫徹，即對政綱亦無所修改，惟期其得見諸施行。前乎宣言，有建國方略。其後復有建國大綱，及民族民權民生之講義，暨開國民會議廢除不平等條約宣言，以迄於總理臨終之遺囑。凡此皆總理披荆斬棘，爲中國闢此生路，吾人循此路以前進，若總理時時指導於吾人之前，使吾人之熱誠，彌以興奮，吾人之信念，彌以堅固，吾人惟有一致遵守 總理之遺囑，以奮鬥不懈，吾人敢舉此信念與熱誠，以昭告於世界民衆及全國民衆之前，吾人願獻此身以爲一切民衆之前驅，爲一切民衆而效死，吾人尤知欲爲民衆有所盡力，則不可不鞏固吾人之組織，擴大吾人之能力，以期能負荷吾人所欲盡之責任，第一次大會，已於黨員之紀律及訓練加以注意，第二次大會更將使此紀律益以森嚴，訓練益以精密，凡爲革命黨人者，不可不忠實誠篤，勇於改過，黨員之間，互相親愛以互相扶助。互相攻錯，蓋不扶助不足以爲親愛。不攻錯，尤不足以爲親愛也。

若過而不改，則不能不以鐵的紀律。加諸其身，蓋對於黨員姑息，即對於黨爲不忠也。吾人必努力使黨員成爲革命化團體化，以期不負總理之指導，不負民衆之期望，吾人大呼以祝

中國國民革命萬歲！

世界革命萬歲！

本集所集材料定自十三年一月至十四年十二月。茲篇作于十五年元月，斯時本集尙未印竣，故特附入，

編者誌。

上海图书馆藏书



A541 212 0019 4681B



中國國民黨第二次全國代表大會接受總理遺囑案

中國國民黨第二次全國代表大會謹  
以至誠接受總理遺囑并努力履行之



~~1223867~~